

泰山志

金石

九

18

ル 5
3548
9



門 5
號 3548
卷 9

泰山志卷第十八

謝讜大夫山東泰安府知府休寧公纂纂輯



石記四元

元

貧樂巖二聖宮碑

篆額 高謝撰 高謝八分書 在徂徠山陽西偏二聖宮

定宗元年丙午四月四日

貧樂巖二聖堂碑記 宣聖五十一世孫襲封衍聖公孔

元措篆額 宣差東平路萬戶總管府掌書記益

蓋聞大道混冥老氏口以啟其口卑端口口孔

以行其說迺立言垂訓廣大悉備包含萬類一以貫之為
無窮不朽之教永作成法大矣哉非二聖人者出其孰能

故老氏以道德□□□有三究元氣之祖者則曰
有物混成先天地生寂兮寥兮獨立而不□□行而不殆
可以□天下母又曰道生一一生二二生三三□□□
焉□□□之術者則曰道常無爲而無不爲□□□守
萬物將自化又曰我無爲而民自化我無事而民自當我
好靜而民自正我無欲而民自□立修身之旨者則曰明
道若昧進□□□爲道日損知足不辱知止不殆戒以剛
強守之柔弱此道德發用之餘蘊而元妙之大無有□□
□萬世無老氏道幾于息矣夫孔子之道堯舜禹湯文武
周公之道也故祖述憲章發明盛德大業流風善政美化
嘉澤至□□美□試□□□□□于六經之中燦然

所不載是知孔子之德爲人倫之標準作王道之紀綱用
之久治□之□□誠百王不易之道世□□□□□□
道天地也日月也無得而名焉嗚呼三代而下亂國相繼
正道不行是猶天地不能無否忽秦則□日月不能無晦
忽開則明聖人之道□□□□□則享故老子之教塞
于周秦而見於漢之文景崇于兩晉盛于有唐孔子之道
戾于□□□□于大漢又昏于魏晉久息于宋齊梁陳隋
□□□唐則大振吾二聖人之教俱伸于此時一謚帝號
一冊王爵天下萬世之公論定焉愚故曰爲無窮不朽之
教者此其效歟厥後游聖人之門宗□其道者世有其人
鹿公先生近之矣公北幽襄谿人諱森其名茂之其

字也素業儒書尤深于易僕口向日從事環慶得識眉宇
兵亂之後垂十五餘載今口復與公相會公語僕曰譚森
先師同里鐵李真人師事口口口子郭鳳仙幾三十年
得訣了悟真人未嘗讀書經史之言問無不知或口口口
時數處應請一日譚森與二三友人講易于劉氏宅真人
忽至口謂衆人曰大易神變不測豈庸俗能探蹟幽口乎
口口元旨一坐傾聽從來未之聞也復謂譚森曰以爾學
道若不屏聰蔽明黜華口口口于今之世矣因感悟
斯言它日斷髮毀形敬口師前叩頭請教乃錫旨訓曰戒
之戒之道以德爲本德以孝爲基爾終親口口口譚森
口口母以壽終老雖屢涉艱險常惕口口不忘初口歲在

癸巳來寓鉅平後改部徂徠不悔入道之晚務在力行語
既僕服膺此言以口其事公口口指語然靜無非道
也公口口孔子口口口老氏之教又謂昔者孔子適周
問禮于老氏以尊先進因立二像于一堂口口口竝坐
口口友徒口口口瞻禮可謂不負所學而知所口口嘗
讀後漢文見孔文學幼謁李膺之言而曰先君孔子與君
之先人李老君同口口義而相師友融與口累世通家焉
口于口口又知孔老以聖接聖同時行教其名雖殊理則
一也此公之作堂本意豈私也哉秦定軍節度使時侯父
子崇信教口口口下口德望口若公之志行宜其見重僕
忝與公有舊因拜聖容禮成而後不能無言僅取公始終

出人之義及公口口行跡口口之言以序而口之用刻貞
珉口之久遠休哉風化之行使爲儒爲道者皆敦朴忠信
之人公之力也其尊師重道護持名教爲牧民司事之本
者又見時侯賢父子之功德宏大默膺陰祐誠不淺矣前
進士益津高詡記

歲次丙午夏四月庚申朔四日癸亥

鎮國上將軍左副元帥前泰定軍節度使兼兗州管內觀
察使隴西郡開國侯食邑壹千戶致仕時珍襲爵男時宥
立石

右碑連額高六尺廣二尺八寸篆額字徑三寸文二十
四行行五十五字八分書經九分篆關里文獻考孔元
措在金章宗時至元太宗襲封衍聖公丙午乃
定宗元年縣志及泰山圖志作大德十年誤

重修光化禪寺碑

蔡額 高詡撰 高詡八分書 在
祖徠山東南麓寺內嵌壁東南向

定宗元年丙午四月六日

口修光化禪寺之記 宣差東平路萬戶總管府掌書記

益津高詡書丹并篆額

祖徠光化寺者其來遠矣始創基於後魏至隋朝而有光
化之名唐有天下三百餘年衣鉢相傳宗派不泯繼以五
代之亂寺從而廢趙宋開國迨及祥符七年復賜號崇慶
而與明孔山之靈巖相爲甲乙無何貞祐之變殿宇堂廡
盡爲灰燼靡有子遺嗚呼名山勝槩福田善境何難成易
壞也如此蓋廢者興之本盛者衰之因此物理之常自然
之道也我左副元帥前泰定軍節度使時侯當紛拏之際

卜寨天保以忠誠義氣力戡大難保完老幼事甫底定又以凶荒饑饉爲先備之計務勸課農桑使民力本積勞累功衣食粗足時候意謂向時大兵之下我方生齒不冒矢石不入湯火不轉漚壑豈非吾鄉中有善人大君子素積德行有以感之者邪不然何皇天眷佑如此之重也若不革心惕慮力行忠信誠懇焉能應之眷我光化名利真種福香火之宮不得具眼目人殆難勸善宏教遂敦請暉公長老住持載振瀚音行緣未盡以老退堂方法嗣高弟法口重繼祖燈公以謙退避游沂水久而不還時候慮虛法席使爲善耆老士庶無所歸依復遣人致書遠迎公不能拒振錫而來遂夷荒剗穢支傾起廢意在興崇龔爵節度使時候政暇之日命僕來訪方丈參禮之餘四顧寺基周覽形勢又見作新法堂僧衆謹嚴顧謂僕曰大人元帥蒞使致仕休閑堂下受戒經營此地無一日暫忘金碧之儂力猶未到尙冀年登民有餘力以爲後圖大人之心與味公之心一也又語僕曰父有德子不述非孝也人有善外不稱非忠也敢屈雅意序其行事可乎僕恭諾承命謹採摭始終之跡刻諸琬口用勸來者大矣哉如來之教徧滿三千大千世界乃散在一切諸有含生之類如來闍念衆生皆有本來之性爲閻浮洲中有大黠巨姦六賊往來縱恣誑誕衆生造諸妄緣亂想使迷執不歸如來是故喻之以善惡明之以因果恐未悟復誘以天堂曉以地獄爲

善必升為惡必墮諄諄切切唯恐一物之失乃至劫火焚燒非法兩無以息業風苦海沈溺非慈航不能濟駭浪噫嘻非如來大慈悲功德不可思議尚誰能極於此力乎其無生之理唯了心見性者得之僕以固陋無學安敢以冒臆妄論之矣歲次丙午夏四月有六日前進士益津高詡

記 武略將軍都巡檢段欽 軍民副彈壓提控薛寔

武略將軍總理軍民都彈壓夏進 詳議官鄭居常 宣

武將軍兵馬都總領兗州觀察判官時遇 鎮口口將軍

承襲泰定軍節度使時宥石 楚太刊

右碑連額高六尺廣之八寸篆額題重修光化禪寺之記八字經四寸四分文二十行行五十字八分昔徑八分碑額寺創基於魏今寺中別無魏碑不能攷其創建之緣起此寺之東南里許有北齊王子椿石

大般若經及題名等可知此寺在北朝時為最著惜無故蹟流傳也碑無時代年號但云歲次丙午四月六日記泰安縣志遂以是碑為大德十年所立案碑稱時宥立石者其官為承襲泰定軍節度使攷元史地理志兗州金改泰定軍元初復為兗州不應至大德十年復稱泰定且節度使之官元時已易碑文前段敘祥符以後直接貞祐之變是指金代末年之事下云左副元帥前泰定軍節度使時侯當紛爭之際卜寨天保云云左副元帥是元初之官前泰定軍節度使尙是金代之職紛拏卜寨當易代之際賴其保守一方也據此則丙午歲乃元定宗即位之元年其時未有年號國號故但紀于支也文云至隋則而有光化之名則而二字無此文法必有

磐溪二題字并跋 王天定正書 在徂徠礫石峪

定宗己酉五月

許魯齋讀書處六題字 王天定正書 在乳山下

無年月

徐世隆題名

正書左讀 在泰 山頂雲峯西側

定宗已酉七月

東平參議王玉汝經歷汶上張昉知事柯亭李滋濟南杜仁傑須句孟謙從大行臺嚴公以口已酉七月中泚謁岳祠竟日遂登絕頂陳人徐世隆題

右磨崖題名四行正書左讀案泰安縣志載此碑注云今毀今驗此刻現在雲峯西側字俱可讀惟一字剝毀耳題云已酉乃定宗崩後之次年大行臺嚴公即東平路行軍萬戶嚴實也

嚴實禮岳祠記

杜仁傑撰 商挺正書 在巔 仙岩 為振衣岡二大字所掩

定宗已酉七月

振衣岡題名二首

正書 在泰 山振衣岡

定宗已酉十一月

長樂劉詢鄱陽程口程邁同登太平頂觀山日時元口壬

辰四月

左讀 歲已酉十一月初五日泰安州刺史張郁建

立大行臺嚴公磨崖二碑模勒鄉貢進士玉天定吏目梁

弼徐昇王坦石匠高政男高源楚太周仙王成監修司候

判官范元謹題

右題名二首前首五行左讀在上節後首八行在下節並正書案泰安縣志不取此二刻前首末觀山日之下小字注云時元口壬辰四月元下缺字頗似祐之半案宋元祐無壬辰追前壬辰為皇祐四年下推壬辰為政和二年均與元字不合歸下節有已酉歲建立大行臺嚴公磨崖等字嚴公即嚴實則已酉為元定宗末年與此已酉相近之壬辰為元太宗四年為金哀宗天興元年然則壬辰上元字是天字而石刻模糊耳今姑連類列于定宗之末

泰安軍節度使時珍墓碑

宋子貞撰 高翹八分 書 在城東時家莊

金石

憲 三年癸丑

貧樂巖銘

杜仁傑撰 巖忠範正書 在徠山陽

中統元年七月

杜仁傑題名

正書 在徠山白鶴灣

中統元年七月

張銓題名

正書 在山頂雲峯西側

中統元年九月

普照寺經幢

正書 在寺大殿

中統二年四月

靈巖寺僧復庵詩

正書 在後土殿

中統二年六月

超然堂碑

篆額 王天挺撰 張志純書 在城西南上張村全真觀內

中統二年七月

長春觀碑

篆額 路大中書 在城西北隅故址

中統二年七月

長春觀記

壽陽路大中書丹篆額 口陽高政刊

竊以教非道不立人非教不修凡以道為宗以神為教者豈徒然哉蓋有以也莫不割贖抉瞽拯沉照昏躋人於長生之域嗚呼世或有聞而未悟者然聞而悟者是旦暮一週之幸也近代幸我師祖設教七真開天性相近習相遠而上智下愚咸使知之道與貌天與形男修女學悉為證矣全真之道杳然難言故其教也微妙元通廣大悉備在

梁父迴過忘年蕭然子於東華承介口以文碑之余自愧
蟾螂之才弗克當拒轍之任請口口口口者也彼囑之
愈切弗獲已則曰妙真修學無間然矣儻來不為得儻去
不為失不悅生不惡死冲而用之厥心不震則天地晦冥
而朗日自照霰雪交集而陽春自舒此得性之功也動與
陽同波靜與陰同德寢無夢覺無憂慮而待也其生乃全
聽之於心冲氣以為和息之以踵谷神而自不死此保命
之效也予景仰久矣今幸覩芝眉年已長而色若孺子聞
所言如聞天籟于隱几使予之意也消以此而論不唯識
得修學之効如彼抑知立營建之功如此故宜書之用刊
翠口庶壽其傳是月下弦後三日元和子謹述

中統二年七月十五日建 東平路府判兼權推課稅所

官張郁

右碑連額高五尺五寸廣二尺四寸篆額題長春觀記
四字徑四寸分二行文二十三行行五十字正書徑八
分碑陰有顯名剝蝕殆盡在城內西北隅長春觀故址
有向案泰安縣志載長春觀元邱處機弟子某修真於
此所謂邱處機者即長春真人也所謂弟子某者以碑
攷之乃女冠妙真誓守慎也誓姓不多見漢有樓虛侯
言順見功臣表守慎始其裔也碑云大朝癸未者乃太
祖建國之十八年歲丙申則太宗嗣位之八年強圉大
荒落為丁巳歲乃憲宗嗣位之七年其時未有國號紀
元故但稱干支至立碑始紀元為元統二年也撰文者
元和子不詳其姓名似亦長春之弟子又案岱史載長
春觀有邱神仙蹟及成吉思皇帝勅旨碑金石文字記
有元丁亥年神仙蹟今俱無案邱神仙即邱處機成吉思
帝者元太祖尊號也其曰丁亥則至元二十四年也
全真觀碑 正書額 宋子貞撰 徐世隆正書 在城西南上張村

中統二年十月

金石

泰山志卷一
天門銘

杜仁傑撰 嚴忠範正
書 在南天門西今佚

中統五年正月

泰山天門無室宇尚矣布山張鍊師為之經構累歲乃成
可謂破天荒者也齊人杜仁傑于是乎銘之

元氣裂兩儀具五岳峙真形露惟岱宗儼箕踞仰彌高屹

天柱浩千劫室來去誰為鑿起天慮非斤斧乃祝詛一竅

開達底處十八盤盤千步薺初吐抱圍樹日車昃慘曦馭

六龍頽莽迴顧踏此往嘉無數無懷下兵刑措七十君接

鑾輅聖道熄彝倫數揖讓歇篡奪屢忽焉闔梗無路象緯

森敕訶護朝百靈由茲戶金璀璨朱間布九虎萬夫怖

我欲叩闔者怒闢何時坦如故對冕旒獲持

塵霧刮政疵剔民蠹上得情下安作新血碑帶聰悟崖不

磨蒼壁豎刻我銘期孔固垂萬世正王度

東平路總管嚴忠範書 中統五年正月望日 泰安州

刺史張汝霖勒石 淵靜大師岱嶽觀主劉德源昭真觀

主翟慶真同立 高又元刊 東萊藍田至此

右碑高六尺三寸廣四尺八寸石堅潤色淡楮形制天
然不加磨礪因各自然碑下刻其土字十八行
行二十一正書字徑二寸餘靜以下二十四字差小
東萊藍田至五字書於左方上截碑字願作元銘辭
古雅書法端嚴洵元碑之佳者在三天門外西側
東向乾隆三十五年即其地築臺而是碑遂廢
張宣慰登泰山記 在縣署土地祠五嶽圖陰

至元二年二月

東平府路宣慰張公登泰山記 奉高晚生王禎書篆

金石

七

濟南杜仁傑記 文入岱志一

至元二年二月望日副宮范居正知宮王志朗棲真大師

副提點侯志崇 休和大師東嶽廟副提點劉詡從 崇

真明道圓融大師泰安州道門提點東嶽廟住持宗主張

志偉同刺史張汝霖立石 高又元刊

右碑連額高四尺廣二尺三寸款額題東平府路宜慰張公登泰山記十二字徑二寸八分文二十五行行三十五字正書徑七分案碑稱東平府路宜慰張公而不詳其名字里居以史攷之即張德輝也史傳稱德輝字輝卿冀寧交城人歲丁未世祖在潛邸召見問對甚詳戊申夏德輝得告將還陸路先務七事敦孝友澤人才察下德輝德輝世祖即位起德輝為河東平北路宣撫使二年考績為十路最陞見帝勞之遷東平路宣慰使春早禱泰山而雨至元三年秋參議中書省事語與碑文合准世祖以字呼之傳在世祖未即位以前碑則敘於河東報最之後春早禱泰山而雨兩碑則略而不書

耳張公登岱在至元元年九月碑立於二年二月迨三年則入為中書參議矣王禎書碑字體道曠惟辦喪作游喪則別字也駁三唱字書無駁字廣韻有為字許交切鳴鳩似鳥玩此碑文義似與鷄同非即鷄字也開皇乃隋文帝年號碑文御製紀泰山銘則當是唐之開元云開皇者誤也六合蹇開當是霽開而碑文實是蹇字恐皆為誤書也額十二字為隸書而王禎自題為書篆又自稱晚生皆翺見此碑

靈陽寺碑 正書在大汶口東南滕村

至元二年

會仙觀碑 篆額 鹿森撰 王天挺正書 在山東北門家墅

至元五年正月

巖巖泰山形勢雄厚位諸嶽之宗資生成之始含元精而秘神靈之奧府均造化而隱仙真之洞天所以古之帝王例皆焚柴望秩行封禪之禮告厥成功者自茲山始山之

東北四十餘里有聚落日門家墅繚以羣山若無路之可入
入匯以雙谿雖久旱而不竭又有崇岡峻坂映帶左右叢
菅灌莽蔽虧無罅其地形蜿蜒若睡龍然龍之首平而可
居者僅數畝西南而望岱宗諸峯如指立千巒萬髻秀峙
於風塵之表真絕觀也閒有識者嘗至而謂曰是豈凡民
所可家焉直使得道者宅之爲稱耳及訊諸耆艾曰此蓋
會仙觀故基也歲壬辰有道士孟養浩韓抱一王若虛李
道誠四人者因游歷過此遂慨然有卜居終隱之志且承
居者段德輩懇畱乃駐錫焉自是詠爾弗刊山本經始數
歲乃有上木金碧之漸泰安刺史張侯一日政隙撫觀農
民信馬過此方解鞍少憩聞養浩輩語其向之耆艾廟

會仙興廢之由侯喜而謂曰諸公果有意乎我爲公倡之
四子曰惟於是卜日揆地鳩工庀材百役具舉凡所缺乏
者侯皆裨助之由是鄉鄰遠邇莫不響應富者以財貧者
以力日構月締年不逾紀三清有殿七真有堂齋有廚貯
有庫客有寮至於蔬圃井磴無一不備輿議以謂非文石
無以壽其傳養浩以歲月經營之始末謁予於徂徠以記
見託予謂興廢係乎數勤惰在乎人雖然純歸之數則是
猶不耕不種望年之豐古今寧有是理耶是故歸於數者
輕責於人者重斯可矣天下之事勤而不成者有矣夫未
有惰而能成者也傳有之二人同心其利斷金誠知言哉
而況四子者謀則一心言則一口力則一手加之外護有

郡侯多助有居民嗚呼人眾乃能勝天明口觀甫成抱一若虛道誠相繼仙去獨養浩守之壘壘然左補右苴如故自今以始凡隸而為黃冠束手成張頤待哺者聞四子之風盍亦興起云

重修宣聖廟碑

李謙撰 趙文昌正書 揚桓篆額 在文廟

至元十二年四月

泰安重修宣聖廟記

泰安州廟學金大定間郡守徐公偉以崇祀羨材增大之其制倣闕里之舊遭罹兵亂幸而完存然以歲久不庇風雨將有壓覆之患累易前政未暇葺之至元辛未洛州防禦使馬公驥來尹是州視事之始致

祠貌退而歎曰事有急於此者乎因慨然有興作之志首出俸錢以為僚屬之倡同知儲公企范迭相贊和由是境內士民以至緇黃之屬共為欣助富者以資貧者以力初不出強勉毆率而人自樂為先撤大成殿治而新之次及賢廡次及神門講堂齋舍之類煥若完整率視舊加隆像設顯嚴一新繪事又圖七十子暨先儒於兩廡會州之監司噉撤令尹孫公民獻判官郭公敏相繼而至凡纖悉未備者皆踵成之州教授王尹禎遣其門生劉琛馳書東平請記其事僕以文字澁忍謝不敢當劉生申其師之辭則又請度不可終辭輒以所聞復之三代之世自二十五家之間以及萬二千五百家之鄉皆有序有庠立道德者為

之師序以明教庠以行禮而視化焉而又各有教瀉歲時
若月朔祭祀會而讀之書其敬敏任恤者書其孝友睦嫺
有學者書其德行道藝三年大比而興賢者能者以禮賓
之其不帥教者觀之以射鄉之禮不變則移之左移之右
移之郊遂先王之於民所以教之之方可謂詳且悉矣民
自成童以上已知室家長幼之節十五則知朝廷君臣之
禮所謂人有士君子之行者豈虛言哉嗚呼斯民也三代
之所與其學者也然而古今異制習俗亦不得不異猶幸
一郡一邑亦自有學以爲民之耳目使觀其素習而知揖
讓進退之儀養其良能而明孝弟忠信之實雖不能盡如
粹古而其遺意具在信乎其爲元化之原而爲政者所

務也馬公自下車以來首爲是舉其亦知本末先後矣昔
文翁守蜀郡興起學宮學者至比齊魯衛颯興桂陽修庠
序之教而邦俗大化夫蜀郡桂陽皆僻遠荒陋不知禮教
自兩郡爲政蠻夷之風爲之一變矧泰山聖人鄉郡去洙
泗纔百有餘里人好儒術戶知讀書今學成教舉當有通
今學古之士如泰山祖徠二先生者出焉公與爲有力茲
故表而出之異時傳循吏者得以考焉其餘治績尙多郡
人例能道之此不書至元十二年夏四月甲子東平府學
教授李謙記承事郎長清縣尹趙文昌書山東東西道提
刑按察司書史揚桓篆額

右碑連額高五尺二寸廣二尺四寸篆額題至元重修
宣聖廟記八字徑三寸五分分四行文二十一行行四

十字正書徑九分按泰安縣志宦蹟卷不為馬驥立傳
 故碑所謂其餘治績尚多郡人例能道之者竟無從攷
 矣碑為李謙撰文趙文昌書丹揚桓篆額史稱謙為東
 平府教授生徒四集累官萬戶府經歷復教授東平先
 時教授無俸郡斂儒戶銀百兩備東修謙辭曰家幸非
 甚貧者豈可聚貨以自殖乎翰林學士王磐以謙名聞
 召為應奉翰林文字一時制誥多出其手至元十五年
 陞待制据史則謙兩為東平教授而未詳何年以此碑
 證之知至元十二年猶為東平教授也史又稱揚桓弱
 冠為郡諸生中統四年補濟州教授後由濟寧路教授
 召為太史院校書郎遷秘書丞至元三十一年拜監
 察御史而未嘗言其為山東東西道提刑按察司書史
 或者為書史在未為郡諸生之前乎然桓以大德三年
 卒年六十六則生於甲午當至元十二年篆額之時年
 已四十二且中統四年已為教授豈有越十二年反為
 書史之理以史按之則篆額之年正為太史院校書郎
 時也豈同時別有一場桓耶然觀
 篆法詢非他手所及是所未詳也

重修靈派侯廟碑

篆額 王禎撰并正書 在城
 西漆河將軍廟殿前東壁西向

至元十三年十月

泰安重修靈派侯廟記

州教授王禎撰并書篆

高又

元刊

泰山有三溪獨西溪雄秘莫測蓋其源來自上方下為瀑
 布直注山根洄洑龍湫而出高深委折淵而復流者至郡
 城之西百舉武而近居民飲濯之而呼曰漆漆之東湄地
 形若穹龜然廟其上曰靈派侯者宋真宗大中祥符元年
 有事泰山駐蹕於此始患水泉涸絕俄而涌漲嘉其神異
 而封建之也興作始末文石具在每歲春遠近獻薌駢肩
 累跡不可勝數郡民云丐諸神者每對所禱亦嘗有所憑
 託而宣其威烈故祈謝之徒剖羊豕而焚楮鏹者略無虛
 日一日泰安監司噉撤縣尹孫公民獻暨諸僚屬同謁祠

下憫其殿像摧壓頗蓄興修之志已而廟塢爲奔流所齧
祝之之際水復折而西二公耳神之靈既熟而又目覩其
驗遂親董其役更其廟而新之以崇其祀凡土木瓴甃繪
塑之須一出本朝香火之費皆二公規度之力也落成之
日囑僕爲記竊聞之山林川谷有能利於人者則秩而祀
之唯岱爲鎮嶽實發生之所膚寸興雲不崇朝而雨者其
流澤又能滋於民物復及萬乘功用顯白神而祠之宜矣
其有感於死生膠於向背徼福而逃禍求利而避害皆非
神之所職茲因及之以懲後之詔妄者云乃作迎送之詞
俾歌之以侑其祭詞曰我侯兮何在山之麓兮水唯漆山
幽兮水鳴具我侯兮形聲侯之游兮委蛇風爲馭兮雲爲

衣馮夷兮擊鼓水妃兮歌舞侯之樂兮來止徒御雍雍兮
赤鳥凡凡我民承事兮既多受祉侯之去兮悠哉忽慘變
兮陰靈來或去兮叵測千秋萬歲兮愈欽靈德

德將軍泰安州達魯花赤兼諸軍與魯噉撒 奉議大
天泰安州知州兼諸軍與魯孫民獻 承務郎同知泰安
州事兼鐵冶同提舉儲企范 從仕郎泰安州判官郭敏

大元至元十三年歲次丙子十月二十五日泰安州知房
趙尙中都目陳瑀賈祐立石

右碑連額高三尺七寸五分廣一尺七寸五分篆額題
曰重修靈派侯廟之記八字徑二寸五分分行文二
十行行三十七字正書徑五分
在靈派侯廟二門東壁西向

徐世隆詩刻

正書 在岱廟環詠亭

無年月

記夢五言

我夢天倪子同登日觀峯骨彊清似鶴步健老猶龍方外
無官府堂中有岱宗仙間真福地杖履會相從 翰林集
賢學士正議大夫知制誥同修國史徐世隆書

復齋送天倪子還泰山

九十行年髮未華道人風骨飽煙霞洞天福地三千里神

府仙間第一家牛膝藥靈斟美醞免毫盞淨啜芳芽隱居

自愛陶宏景莫作山中宰相誇

右石高一尺七寸廣一尺九寸詩凡二首其一八行行十一字字徑一寸四分其一五行行十四五字字徑八

分並正書案泰安縣志金石不列是碑元史徐世隆傳
世隆字威卿陳州西華人弱冠登金正大四年進士癸
巳奉母北渡河嚴實招致東平幕府俾掌書記元世祖
在潛邸召見於日月山欲畱之以母老辭實子忠濟以
為東平行臺經歷中統元年擢燕京等路宣撫使三年
宣撫司罷還東平除太常卿兼提舉本路學校事至元
元年遷翰林侍講學士俄兼戶部侍郎七年遷吏部尚
書九年補外為東昌路總管十四年起為山東提刑按
察使十五年移准東十七年召為翰林學士又召為集
賢學士皆以疾辭年八十卒此世隆歷官之始末也此
碑結銜云翰林集賢學士知制誥同修國史傳無制誥
國史之職而翰林集賢學士當在至元十七年雖以疾
辭猶列其銜也傳不載其號復齋碑云復齋送天倪子
還泰山泰安縣志錄此詩於藝文作徐世隆送天倪子
歸布山則復齋為世隆號而泰山布山又互異也以時
攷之碑刻二詩皆在至元十七年蓋書於其家而所稱天
倪子者刻於泰山不著年月也天倪子未著其名據元
遺山有呈布山天倪張真八詩王奕和之則道
士而姓張也又證以朝元觀碑知為張志純

靈巖寺僧復庵詩刻

正書 中統二年詩同一石

至元十八年

中統二年六月旦日重遊方山少林復庵圓照敬題再到
靈巖古道場儼然喬木蔽雲房十分山色四時好一味松
風六月涼老樹挂藤侵石壁落花隨水入池塘主人乞與
禪床臥夢裡似聞天上香 復庵老衲游山漫興謹賦拙
偈 至元十八年清明后十日題 年來乘興一閑游直
擬尋山山盡頭之字水從斜磻出羊腸路到斷崖休古藤
依倚巖前樹老木侵欹澗下流啼鳥催歸日將暮林陰撲
翠溼衣裘 至元三十一年孟冬下旬有三日 當山傳
法住持法姪桂庵野衲覺達立石 錦川真中興刊

通道宮碑 篆額 魏道明正書 在東鄉觀外

至元十八年五月

創修通道宮碑 前東嶽廟提點洞真通元大師賜

欄魏道明書丹篆 岱麓高又元男高溶刊

嘗聞道與之貌天與之形而媼妍小大無偏斯變化神功
莫測也故聖賢垂科教度人倫下及重陽祖師立全真大
教七真輔翼四衆依歸崑谷幽棲之流市朝應物之者而
臣修崇宮觀在在有之況東嶽名山大川豈無建立焉奉
符之西南兩舍第四鄉東向村通道宮迺安閑子圓明大
師甯君之所建也君諱志平本處人賦性溫柔幼而樂善
年未冠願修真聞徂葛家坊稚川仙迹有古陽子丁公
超然苦志道價非嘗口往拜之積有年矣公禮青社萬壽

真常子慈惠真人范尊師師卽長春真人法嗣也一日公
語君曰凡人爲道口不遠人可於滕村置觀將永滕因君
承法旨起靈陽觀於是開畎畝斫荆榛與衆興工朝勤暮
息不數日載而口象方壺齋雲便舍間計五十就立碑焉
君於癸巳夏初來此欣然四顧之前汶水而後鼇山左云
亭口口口君謂門弟曰是處可瞻道衆百餘召王志元
於數子同心協力治下平高穿井築垣編茹作屋己未季
春口口口殿不日而成至元十二年夾鍾緝營後殿至元
十七年繪塑七真法師尊師宮金碧晃然洎三門堂口口
勝靈陽君施鍼藥病告痊化一方居士儒官推誠信士
咸悅而助之令子孫蕃衍者多耳足以四時香口口皇王
之萬壽祈黎庶之千祥請福禳災而不輟也嗚呼先師既
沒仁樂于山穎悟長生奚言可諭龍眉甯口口西山圖二
者君誠相比易曰嘉遯貞吉曰正志也經曰明道若昧進
道若退固得門口口指名冠諸方口口風斲石作記同
志素亨源詰余文之堅退匪容鉅鹿野夫繫其銘曰
道包萬有神化無窮聖賢肇啟科教流行重陽復度七真
一遇大闡元門令人開悟泰岱坤維通道僊基長春范父
審禮丁師宮觀所興草木光生雲朋信士協贊而成殿像
旣完歲時田園方傳永劫以立名言 大元至元十八年
歲次辛巳五月二十日通道宮知宮陳道素李道亨劉道
源同立石 武德將軍泰安州達魯化赤兼諸軍奧魯八

合禿 奉議大夫泰安州知州兼諸軍奧魯張之綱 中
書右丞淮東都元帥大功德主李魯權

通道觀記

篆額 正書
在東向觀內

東向通道觀 宣口東平路萬戶府五翼管民官口世昌
篆額 古口琴臺李裕撰 壽陽逸人謝信之書

大哉道之大也混混茫茫窅然空然故非言說形容可髣
髴哉若終不言云何興教夫自太極剖判口口開國中含
萬類皆口於道若夫生而無情者知生而有性者有識其
有識者愛惡相攻是非口辯多材本口口然真性是故上
聖垂慈著明法教大抵須假良因使人宏道茲賜紫希夷
大師口陽子丁公者自於髫童清高不羣遂栖心招隱慨

然弃俗遊於東楚遇真常真人禮而師焉深契幽微洞傳
奧秘已而西邁至岱岳之南有滕村者愛其地而起觀曰
靈陽四方逸士來集於門從而師者多焉有其徒無欲子
衛公志堅者幼而好學長而慕道于重陽之門首爲口者
其衛公一口出游至此地口有舊基從容而咨訪里人云
乃邱鄉裴氏主之因度其方隅愛其雅寂謂可建爲福地
耳歸告于古陽命出淨賄懇于裴口而待之由是古陽議
于衆咸贊此安閑子甯公志平住持而叙斯觀焉其觀之
初興甯公朝夕勤勉徒侶經之營之不憚其勞鄉之英彥
見而益施其土田爲觀恒產及材木所須匠工所費咸願
爲助茲口聖殿聳構太上之像可崇舍增口羽衣之流有

庇昔荒址咸然一新遂題其額名為通道通者無窮塞凝
滯之稱道則無為而無不為者也意通而了然得之者幾
何人斯茲因無欲衛公過余舍話此觀口口美石府樹碑
記昨口之于吳口夫其家素豪此翠口蓄之歲久惠然喜
捨今命良工磨瑩以成願為我記之余自揣愚鄙淺口才
疎不足其事口不獲已因語其述據而述之口逢執徐元
月八日住持道士口觀衛志堅知觀寧志平立石
下張寨元帥府令史張 下張寨元帥府知事趙格 下
張寨元帥府彈壓劉 忠勇校尉副統孫 忠勇校尉管
軍督口 忠武校尉都統岳 西界塞軍民彈壓曹俊
忠武校尉巡檢兼提控董口 武略將軍遙授磁陽縣主

簿兼總鎮知事張秀廷

鎮國大將軍泰定軍節度判官天勝寨右副元帥都功德

主李良弼

靈巖寺清安禪師塔銘 篆書額 正 在靈巖

至元十九年六月

右碑連額高五尺許廣三尺額題清安禪師方公塔銘
八字篆書徑四寸五分分四行行文三十行行存四十二
字下截尚闕數字無全文可讀碑有云天兵南牧數歲
干戈當是太祖即位稱帝之十餘年間丁丑以來數歲
其時方公初出家至元辛巳示疾清安距出家五十
餘年銘詞云七十餘年者正謂方公世壽也戊申師住
東鹿真如寺是年為定宗即位之三年師年四十餘然
則住靈巖年幾五十矣末行云至元十有九年歲次壬
午六月十下闕此
是立碑之年月也

靈巖寺福公禪師塔銘 正書額 在靈巖

金石

三

至元十九年十月

右碑連額高五尺許廣二尺八寸額題福公禪師塔銘
六字正書徑四寸分三行行文二十三行行存三十五字
正書徑一寸下截闕數字無全文可讀碑有云壽五十
有五蠟二十下有闕文要之其出家不滿三十年矣從
至元壬午上追之則福公生于金正大戊子而其住靈
巖也在中統庚申時年三十三則距出家龍興寺不過
數年然碑又云幼歲出家是與蠟二十餘不合也蠟當
作臘豈當時通用耶文為沙門淨書撰末題至元十有
九年歲次壬午十月
日是其立碑歲月也

七佛閣碑 閣復撰 李謙八分書 王磐篆額
在秦安城東北五十里谷山寺內

至元二十一年正月

口師七佛閣記 太子左諭德李謙書 翰林學士承旨

中奉大夫知制誥兼修國史領集賢院事王磐題額 泰

安州教授時震摹勒

天有七曜而四時行地有七澤而九土寧人有七情而善
惡生惟金輪氏立教洞貫三才包括萬類所謂藥師七佛
象數之妙將無契於是乎按經之所載鴻界凡七界居一
佛其光明徧照惠澤普及在浮圖法中猶元天之有日星
焉百川之有江湖焉故為其屬者奉之惟謹岱宗之陰曰
谷山道場巖巒回抱林樹虧蔽蓋雲山之都會煙霞之壘
宅也謹公上人興滯補敝於劫火廢隊之餘疏鑿而泉種
藪而園墾培而田齋庖之衆無慮數百指既殿中央以居
大雄法像謂七佛之壇不可不嚴於是闢層崖而閣焉一
日上人赴京師杖錫踵門請為是閣作記問諸典造之蹟
曰吾因山以為基故不假覆篲而高伐木以為材故不煩

市易而足以願力爲役故不待鑿鼓而集問閣之大小及爲役幾何時曰揭櫓爲三列櫓惟五其高九仞有奇經始於至元十七年春落成於今年之秋又問谷山興置始末曰自元魏高僧意師現化之後曰寧曰朗曰崇曰靖凡四傳而寺緣益大竹筵堂公文石具在也復謂上人曰惟閣之役若寺之緣既問命矣敢問谷山之陽自歷劫以來有無上寶閣以蓮峯爲楹以蟠岡爲礎以雲虹爲飛棟以煙霞爲浮藻以萬象爲瀉身跡今所作爲何如也上人曰不然吾聞天地之外復有覆載陰陽之外復有造化故自其大者而觀之須彌一芥子也大千一粟葉也曾何泰山之足云自其細者而觀之大空之一塵恒河之一沙中間自有佛國在仁者無用妄生分別且爲我作七佛閣記了曰

卽如上問答語予爲若作記已竟請歸而摹諸石上人曰唯唯時至元癸未十一月二日也上人漁臺人俗姓蔡氏夙喪父母從瑄師祝髮此寺壯歲游方始參陶山仁公再禮紫蓋暉公卒得瀉于普照鑑公行業爲衆所推錄泰安僧司事凡數十年與當世名士杜徵君仲梁輩從游甚欵其好賢樂善蓋有本云翰林作賢侍講學士中順大夫知制誥閣復記 嘉議大夫中書禮部尙書劉果實贊成之至元二十一年歲次甲申正月望日承事郎前建康道宣慰司都事李敬祖立石 都勸緣住持嗣祖沙門莫悟大禪師普謹同立石 泰安州都料匠郭安仁構 石匠作

頭周順高成刻

右碑連額高六尺二寸廣三尺二寸額題藥師七佛閣
記六字正書徑四寸分三行文二十三行行四十一字
八分書徑一寸按泰安縣志云谷山寺即佛峪寺金泰
和元年党懷英撰記敘寺之興建甚詳此碑紀七佛閣
之剎建蓋寺中之一閣耳文為閣復撰復以能文自弱
冠即為元好問所選與李謙等齊名謙隸書體正而筆
健史獨略而不稱刊碑有摹勒者又有贊成者
有石匠刻者又有都料匠構者皆他碑所無

王暉漢栢詩正書在環詠亭

至元二十一年五月

高里山神祠記

徐世隆撰 徐汝嘉正書 揚桓篆額在殿後

至元二十一年十月

重修東嶽高里山神祠記

翰林集賢學士正議大夫知

制誥同修國史徐世隆撰

承務郎同知泰安州事徐汝

嘉書丹

濟寧路儒學教授揚桓篆額

蒿里者古之挽章之名出於田橫門人感而成歌漢李延年分爲二曲薤露送王公貴人蒿里送士大夫庶人後代以爲人死精魂歸於蒿里其山有主之因立七十五司以爲追逮收捕出入死生之所也故張華博物志陸機泰山序皆云人死其魂拘於蒿里白樂天詩曰東嶽前後魂北邙新舊骨樊殿直修廟記亦言人生受命於蒿里其卒歸於社首今東嶽山有地府府各有官官各有局皆所以追死注生冥冥之中豈無所宰而然耶其祠距泰嶽廟之西南五里許建於社首壇之左自唐至宋香火不絕望之者入則肅然近則威然出則怖然若有追之者豈非世人

如見真鬼神而然歟吳道子畫地獄變相後成都人來觀
咸懼罪修福田兩市屠沽魚肉不集況此祠司局之多鬼
神之衆囹圄之深幽其不寒心而駭目者鮮矣金季兵烽
四起玉焚石燼向之所謂像教者又墮之劫灰矣行臺嚴
武惠公治東平民懷吏畏政如神明特敬天倪子提點道
教張志偉張初名志偉後遭遇上知賜名曰志純議起廟
像如初未完而公薨嗣相能爵天倪子鳩工者又數年既
申省部始許修理聖上卽位懷柔百神無文咸秩詔海內
名山大川嶽瀆諸祠聽所在修完遊會元門掌教宗師管
領諸路道教洞明真人祠志誠與天倪子意契遂竭力以
成舊祠百二十楹近已完繕次第落成其塑像輝耀比舊
有加焉余待罪翰林方作泰山廟碑未及入倪子曰岱宗
碑成此特碑之一事耳若不足勞執事執事文如流出第
令門生執筆代書則足矣余謂蒿里者社首之禪趾猶在
亦唐代受釐之地使老夫不腆之文得挂名其上固所願
也非所敢望也故附語而爲之記若夫無懷氏封禪之君
有虞氏巡守之代略而不書尊泰山也

宣授冲虛至德通元大師東嶽提點監修官兼東平路道
教都提點張志純同建 太師國王嗣孫太中大夫東平
路達魯花赤兼本路諸軍奧魯總管土卜申立石

大元至元二十一年歲次甲申十月乙巳朔十五日己未

岱麓高又元刊

右碑高六尺一寸廣三尺額高一尺八寸廣一尺篆書
徑二寸七分字二十行行四十六字正書字徑一寸在
森羅殿後
西偏南向

蒿里七十五司碑

正書 在高里
山神祠後殿西

至元二十一年

右碑高四尺二寸廣二尺八寸分上下二層上層二十
四行題云蒿里七十五司信士姓名于左奉訓大夫沂
州尹嚴慶管官員司汶上縣尹武瑛同吏李簡管天曹
地府二司東原錄事司宗法祖管口口口口口口口口
四司楊讚善管僧道勾願醫藥三司軒圖貴管舉意水
府四生三司陳氏管看經土地速報三司冀州信都縣
權犂寨曹斌管舉善司王安管長壽法汗走獸三司
白福玉管平等山神注福三司本州周祐妻顧氏男瑞
童管水造像趙成管子孫注生二司尹果信管口口口
神二司邢口口管燒香照證二司王氏管注慈五道二
孝順司齊二姐管齋戒司口口口口口口口口口口口口
山林司張福二姐管齋戒司口口口口口口口口口口口口
徐氏管六道司本州馬縣尉名國寶口口口口口口口口

縣晉陽鄉土井村李口誠妻張廟善爾張玉童管陳狀
司伏以靈像威嚴神房敘列判人間之禍福注塵世之
吉凶伏願信上之家長幼平口口口口口口口口口口口口
固聖壽延長云云至元二十一年歲次口口口口口口口口
層分三項姓名前一項口口口口口口口口口口口口口口
項在廟灑掃戶姓氏十五人首一人曰廟長又十六人
首一人曰廟典分四列並正書按泰安縣志不載此碑
其立碑之年與徐世隆撰重修蒿里山神祠碑同則此
碑因重修神祠時募塑七十五司神像遂記其姓氏也
神有七十五司碑立其數只四十二司餘未見其名目
所列各司皆主吉凶禍福分理冥府
之事益東嶽輔相所驅使之神也

蒿里七十五司神房誌

篆額正書 在高里
山神祠後殿西

至元二十二年正月

右碑連額高七尺廣三尺八寸篆額題東嶽蒿里山參
司六案七十五司神房誌十六字徑三寸五分分四行
碑分六層並正書右邊總敘二行有云天網恢恢疎而
不口積善降之百祥積不善降之百殃為善降祥為惡
降殃善惡之報其在斯焉第一層三行日判所隸司判
磨勘司判都察司是為三司第二層六行日判閱眾案

判	苦	楚	案	判	口	案	判	係	刑	案	判	功	德	案	判	注	生	案	是
為	六	案	以下	四	層	分	列	七	十五	案	判	日	判	孤	案	注	生	案	是
州	人	判	財	帛	司	姓	柴	氏	州	人	判	口	口	口	口	口	口	口	口
判	口	口	口	口	口	口	口	口	口	口	口	口	口	口	口	口	口	口	口
天	司	姓	何	氏	口	口	口	口	口	口	口	口	口	口	口	口	口	口	口
姓	何	氏	口	口	口	口	口	口	口	口	口	口	口	口	口	口	口	口	口
楊	口	口	口	口	口	口	口	口	口	口	口	口	口	口	口	口	口	口	口
口	口	口	口	口	口	口	口	口	口	口	口	口	口	口	口	口	口	口	口
州	人	判	齋	戒	司	姓	宋	氏	州	人	判	注	長	壽	司	姓	文	氏	唐
州	人	判	雨	司	姓	左	氏	路	州	人	判	鬼	魁	司	姓	都	氏	鄧	州
判	風	雨	司	姓	左	氏	路	州	人	判	鬼	魁	司	姓	都	氏	鄧	州	人
枉	死	司	秦	氏	楚	氏	肇	州	人	判	陳	狀	司	姓	張	氏	耿	州	人
命	司	秦	氏	楚	氏	肇	州	人	判	陳	狀	司	姓	張	氏	耿	州	人	判
司	姓	秦	氏	楚	氏	肇	州	人	判	陳	狀	司	姓	張	氏	耿	州	人	判
姓	宋	氏	金	州	人	判	口	口	口	口	口	口	口	口	口	口	口	口	口
雷	繁	氏	湖	州	人	判	口	口	口	口	口	口	口	口	口	口	口	口	口
田	開	州	人	判	醫	藥	司	願	司	姓	范	氏	泗	州	人	判	燒	香	司

海	州	人	判	注	看	經	司	姓	牟	氏	棣	州	人	判	水	貴	賤	司	姓	郝	氏	單	州
州	人	判	注	看	經	司	姓	牟	氏	棣	州	人	判	水	貴	賤	司	姓	郝	氏	單	州	人
判	掠	司	姓	邱	氏	宣	州	人	判	注	毒	藥	司	姓	張	氏	代	州	人	判	失	司	姓
證	司	張	氏	皇	州	人	判	注	毒	藥	司	姓	張	氏	代	州	人	判	失	司	姓	張	氏
姓	何	氏	易	州	人	判	注	毒	藥	司	姓	張	氏	代	州	人	判	失	司	姓	張	氏	張
王	渭	州	人	判	忠	直	司	姓	王	氏	齊	州	人	判	信	州	人	判	還	司	姓	馬	氏
氏	渭	州	人	判	忠	直	司	姓	王	氏	齊	州	人	判	信	州	人	判	還	司	姓	馬	氏
光	州	人	判	飛	禽	司	姓	東	氏	祈	州	人	判	精	怪	司	姓	李	氏	青	州	人	
州	人	判	飛	禽	司	姓	東	氏	祈	州	人	判	精	怪	司	姓	李	氏	青	州	人	判	
判	冤	枉	司	姓	鄭	氏	許	州	人	判	減	福	司	姓	閔	氏	建	州	人	判	生	為	
送	病	司	姓	鄭	氏	許	州	人	判	減	福	司	姓	閔	氏	建	州	人	判	生	為	為	
上	柱	國	死	作	問	羅	王	年	直	使	者	月	直	使	者	日	直	使	者	時	為	為	
直	使	者	左	邊	題	云	大	元	至	元	二	十	二	年	歲	次	乙	酉	甲	戌	時	為	為
湖	上	元	後	六	日	口	廟	王	致	堅	蓋	立	石	年	月	也	按	泰	安	縣	時	為	為
志	不	載	此	神	殆	以	其	出	於	不	經	無	足	錄	也	陶	貞	白	真	靈	時	為	為
位	業	圖	云	鬼	官	有	七	十五	職	名	顯	者	凡	百	一	十九	人	真	靈	始	時	為	為
卽	七	十五	司	鬼	官	有	七	十五	職	名	顯	者	凡	百	一	十九	人	真	靈	始	時	為	為
出	隋	書	韓	擒	傳	至	善	惡	慶	殃	之	說	大	率	寓	勸	懲	之	旨	非	時	為	為

盡無據因
詳述之

朝元觀碑

篆額
篆書

徐世隆撰

劉惟一
在山南麓升元觀

至元二十二年三月

嶽陽重修朝元觀記

古口劉惟一篆

郡人高又元鐫

翰林集賢學士正議大夫知制誥同修國史徐世隆撰

岱宗者何衆嶽之長也嶽陽者何四方之南也朝元者何

兩儀資生萬物居泰羣臣之賀正也故道家取象名其觀

曰朝元朝元之建未詳始於何代東平嚴公南征愷還之

日徑趨泰山祠焉禮也蓋昔者諸侯得祭境內山川將登

絕頂遙望古殿檐楹損壞棟宇摧仆遣人視之果如所見

命道侶住持剋期修理會公薨逝嗣相踵行其事夤緣掌

教洞明真人屬天倪子張志純志純元名志偉遐邇上知

識遂改今名天倪子以嶽廟事重辭焉真人乃下拜不起

天倪承命遂鳩工掄材雖時經凶年亦勉力成之其費皆

出會真常住嶽頂香資掌教所助淨財支用殆盡嗚呼俚

語云與人不足勸人爲屋矧棟樑之材丹雘之工物也邪

雖然泰山者蓬元之洞天洞天三十六福地七十二卽其

一也故其門曰天門其觀曰日觀其風也來萬里其雨也

徧九州其星曰歲星其帝曰青帝旣爲衆山之長又爲萬

物之宗其興與廢必有靈祇司之豈有不爲神物所護持

者哉廢而興之宜矣雖然古人爲命禱謹草創世叔討論

子羽修飾子產潤色區區一辭令之微尙經四賢而能之

若此祠也先公倡之嗣相繼之真人助之天倪終之豈有不興者乎翰林集賢學士又爲之記且敘之以詩云嚴公南伐愷歌歸會過朝元古殿基已立城池從衆守未完宮觀擇師爲丹青繪出神仙像玉石鐫成仁聖姿紀德歌功翰林事步虛正要七言詞

大元至元二十二年歲乙酉三月十有七日知觀門事泰安州都目高淵 從仕郎泰安州判官張翔 承務郎同

知泰安州事徐汝嘉 武德將軍泰安州知州兼諸軍與

魯粘合璋 武德將軍泰安州達魯花赤兼諸軍與魯八

合禿 宣授冲虛至德通元大師東嶽監修提點兗東平

路道門提點張志純重建 魯國武惠公嗣孫奉訓大夫

沂州知州兼諸軍與魯嚴度立石

右碑連額高八尺五寸廣三尺額題岳陽重修朝元觀記八字籀文徑三寸五分分二行行二十行行四十六字小篆徑一寸二分按泰安縣志云觀初名建封院宋政和中賜額升元觀元張志純重修改稱朝元觀其神祀東華帝君道家謂之東嶽福神今據碑文但云爲羣臣之賀正不言所祀爲東華帝君也碑云朝元之建未詳始於何代則似改額朝元其來已舊不自此碑始也東平嚴公者名實字武叔長清人初宋取益都以實爲濟南治中實知宋不足恃乃謁木華黎於軍門甲午朝太宗於和林授東平路行軍萬戶此所謂東平嚴公也庚子年卒中統二年追封實爲魯國公謚武惠其子孫之見於史傳者子曰忠貞忠濟忠嗣忠範忠傑忠裕忠嗣孫嚴度當是金紫光祿大夫忠貞之子也 靈巖寺新公禪師塔銘 雷復亨撰 耶律希逸正書并篆額 在靈巖

至元二十二年十二月

右碑連額高六尺廣三尺篆額題新公禪師塔銘六字徑三寸五分分三行文三十行行存六十二字正書徑

金石

五分尚闕數字未全見撰文者進士雷復亨書丹篆額者嘉議大夫山東東口西道提刑按察使漆水耶律希逸文云師諱新全字仲益月泉其號也姓郭氏父曰雙明居士代為燕之奉先神寧太平里人其生平事蹟不獨禪行精深卽詩法鍊句亦多新穎元之詩僧如公者亦無幾家惟氣宇衝霄大丈夫何頗覺粗豪蓋其時年少氣盛詩法佛法皆初入門未免以血氣用事者也耶律希逸碑稱相門世胄也左丞相薨于京公奔喪去師遂示寂實至元二十二年五月一日按元史列傳希逸爲中書令耶律楚材之孫左丞相耶律鑄之子故云相門世胄傳載鑄卒于至元二十二年而不言何月以此碑證之知在五月以前也傳稱希逸官准東宣慰使蓋是最後所居之官不載山東東西道提刑按察使者史文從略也碑末云至元二十二年歲次乙酉十二月二立石歲月

聖旨焚偽道藏碑

篆額 唐方撰 粘合 碑正書 在冥福寺今佚

至元二十三年五月

填池靈異記

王天挺撰並正書 今佚

至元二十三年

填池靈異記 王天挺撰并書

淵濟公之號始於宋其廟於兵亂間爲金東莒公燕寧所毀不數月而寧卒歲在丙戌元帥萊蕪劉瑀權知泰安州事守天勝以久旱禱雨於龍池之側時有小白蛇出戲於香鼎上劉以爲神龍所變再拜祝之曰三日之內有雨則我將爲神修廟卜之吉一軍歡呼羅拜經數日無雨劉怒曰神許我雨今旣無雨則無神矣命諸隸卒揭西崖之石填其池池將滿雷雨暴至如傾雹大如雞卵衆惶怖驚走旣晴視之其池中所填之石悉爲湍流衝去皆駭異拜謝服罪卽今廟貌劉卽爲創始此事土人往往有親見之者

權府張侯談之甚詳因併爲之記

右碑在嶽西南麓淵赤公廟今與廟俱無
文見岱史曰丙戌則至元二十三年也

雲溪觀碑

李述祖撰 張志純正書
在羽父山雲溪觀內

至元二十四年二月

感澤記并題名

正書額 正書
在白龍池

至元二十五年六月

岱岳觀禁約

正書 在王
母池今佚

至元二十九年

時氏先塋記

篆額 和天鄰撰 孔摯八
分書 在城東南時家莊

至元三十年二月

靈巖寺肅公道行碑

篆額 正書
在靈巖

至元三十年九月

靈巖足庵肅公禪師道行碑

大都報恩禪寺傳法住持

嗣祖林泉老衲從倫撰并書丹篆額

青州法祖渡江已來至朔方居萬壽立曹洞一宗與聖安

竹林晦堂佛日而鼎峙焉故三派淵源於今愈盛青州之

下四傳而得萬松光暎叢林聲傳四海天下指爲祖道中

興復嗣雪庭裕嗣足庵肅其餘龍象碩大光明表表可

紀觀肅之學業道德亦四科十哲之一數爾公名淨肅號

足庵金臺永平張家里孫氏子祖居滿城之西以隴雲耕

月而立其家經四世而生公其父見異常童有出塵之格

攜歸唐縣禮香山明公落髮給侍之餘令閱梵文目擊千

言娓娓成誦後聞雲峯亭公走依座右日復一日於槌拂之下發明大事雖秘傳密授不滿初心深自韜晦遍參名宿謁三陽廣仰山通報恩資皆蒙許可後雪庭掌天下僧權而主萬壽才學博瞻道德豐盈遐邇雲臻慨然輻輳公亦袖香逕造其室一見心奇之鍼芥之緣不差毫忽遂以衣法而併付之詰旦捲衣去依趙好乳峯禪伯稟受外典未及食新果造幽微復參東山微九峯信信命嗣續東山之道公掉臂弗受遁燕之萬安寄傲南窗閉關却掃杜絕人跡當是時嵩少闕人就命開法於萬壽之堂越明年宣授河南府僧尼都提領居九祀革故鼎新未嘗少息勅建方丈二十四楹古未之有也當修營之際輦土般石必先

其力上下悚然莫不服膺爭先爲之次主靈巖八載廣閣大厦椽栝差脫人不堪其愛公爲之一新其餘僧舍增新者百有餘間自來修營締構無出其右會萬壽虛席命補其處一到增修廊廡翕然稱善此公居三巨刹立叢林宏祖道興福之大槩也偶四大進和退居香山壽聖故刹壽及耳順而歸寂焉闍維後收靈骨而歸塔矣小師智錦不遠千里求銘於子予以叔姪之義不辭鄙陋而爲銘曰曹溪洵頌幾多年洪波浩渺知無邊餌雲鈎月咸爭先龍門一跳勝飛仙三居大刹光先賢行藏取舍通精研墨華現瑞非無緣壺天美景恒非遷包容萬象撼雲巖雄雄氣象摩青天遍參名宿機盤旋縱橫妙用鑽彌堅涅槃心印

寔堪傳足庵承受忘其年根深蒂固榮恩田枝枝葉葉鬱
茂祈聯綿

至元三十年歲次癸巳重陽 小師監寺智錦等立石

靈巖傳法住持嗣祖桂庵覺達同立 錦川匠人夏中興

刊

右碑連額高六尺七寸廣三尺五寸篆額題肅公禪師
道行之碑八字徑一十五分橫列於上文二十三行行
四十五字正書徑九分按肅公住持靈巖者僅入載其
後住持萬壽遂歸寂焉碑云閣維後收靈骨而歸塔殆
是歸骨於靈巖也釋氏以身後火化為茶 立靈巖
毗闍維卽茶毗蓋以聲近而有異文耳

大聖院塔廊記 徐朗撰 張士或正書 在

至元三十一年

靈巖寺提點廣公壽碑 正書并額 在靈巖

至元三十一年五月

普覺禪師廣公提點壽碑 文 將仕佐郎棣州儒學教授南

宮左思忠撰 靈巖傳法住持嗣祖沙門桂庵野衲覺達

書丹并題額

夫達理山禪通方野衲或院居受業或錫挂諸方扶持法

道法道興行輔弼叢林叢林茂盛經和寒暑雨忘重苦大

勞護法不避喪軀安僧那知有已將無作有補短絕長一

僧之寒猶已之寒一僧之餒猶已之餒赤心似舊白頭如

新寺僧獲優足之宜常住享豐榮之慶如斯之德今誰有

乎僕於普覺大禪師見之矣師姓夏氏名正廣字濟川揚

州江都縣人也年十歲天兵南下國破家亡身無定在有

輔國上將軍樞密副使合坦官人引至江北之清平乃師
先祖之故鄉聊爲住坐當時是也見師好善心慕佛乘年
十四送入靈巖投爲出家拜住持清安老人爲師披剃之
後登壇受具日往月來委當院門一了百當其爲人權變
如此會至元四年八月二十八日榮受宣命保護院門總
統諸師知師多能給付副身俾爲本寺東西兩架都提點
又賜普覺大禪師之號語云量材受職其在茲乎師嘗自
警曰天下三巖靈巖爲最寺僧雖有藏教殊無其如法衆
看念何其如雲侶檢閱何至元二十六年與住持寶峯長
老并衆知事商略曰道離文字者禪不離文字者教奈教
自禪來禪從教入使失者得而迷者悟遂領本寺數人前

往杭州南山普寧寺印經一大藏渡江而北龕於靈巖雖
元奘重來只是這箇師又念曰哀哀父母生我劬勞欲報
之德昊天罔極隨挈祖父母父母靈骨抵於泰安之長清
旣月乃日植松楸立墳隴重新棺槨再整衣衾榮葬於縣
之南一鄉靜默峪春秋祭祀以時思之其爲僧孝親之心
於茲可見度落髮小師伯餘人其高第一人曰思金等蒙
師之恩報師之德建壽塔立壽碑不遠千里出示始末求
文於余刻諸貞石傳無窮之名播無窮之美余不愧辭荒
筆謬識短才疎因而爲銘其銘曰

靈巖名利古道場叢林人物皆諸方出類拔萃誰非常阿
師頭角獨軒昂聖朝平土收封疆慕羶隨蟻歸吾皇靈巖

雍髮十歲強清安門下蘭生香天書一扎受十行院門威
護增威光東西兩架僧主張有條不紊歸權綱大師普覺
心清涼寒灰枯木爲肝腸取經一藏從蘇杭衆心閑靜師
心忙祖先靈骨俱攜將歸來卜葬南一鄉功成名遂難掩
藏建碑立塔爲昭彰思金求文來我旁恨無健筆爲發揚
願所壽算等無量名與方山同久長

至元三十一年仲夏重午日門人庵主思金等立石 當
山傳法住持嗣祖沙門桂庵野衲覺達勸緣 錦川族人

石匠夏友夏明刊

右碑連額高七尺五寸廣三尺二寸額題廣公提點壽
碑六字正書徑四寸分三行文二十四行行十字正
書徑九分按碑不詳廣公世壽幾何据銘序云年十歲
天兵南下國破家亡乃指甲午年金亡之事其時揚州

雖屬宋而爲李全所攻干戈擾攘廣公是以身無定在
也今碑立於至元三十一年甲午歲是可知廣公壽七
十矣序又云前往杭州南山普寧寺印經一大藏收之
杭州西湖志載普寧寺在雷峯塔下咸淳臨安志周廣
順元年建宋大中祥符初改今額秦少游龍井題名所
云航湖至普寧遇道人參寥策杖並湖而行出雷峯度
南屏得支徑上風篁嶺正其處也今湖堤遺墟尚存止
見石塔院宇盡毀云云而總不詳元代之興廢若何以
此碑證之則元至元末年尚有藏經板可印其寺之盛
可知矣然普寧印經事亦僅見此碑可爲武林梵刹增
一掌故也云當時是也當作
當是時也 音碑時偶倒互耳

元貞元年九月

重修竹林寶峯禪寺記

前翰林院侍讀學士朝請大夫知制誥同修國史野齋李
謙撰 外護都功德主忠顯校尉泰安州達魯花赤兼諸

軍與魯事哈刺不花篆額 圓融雙照大師講諸經疏傳
法嗣祖沙門福門書

泰山竹林禪寺者名冠天下詢諸萌肇莫知其所由自唐
迄金屢經興替詎可云哉及兵息之後有先受業僧珍公
都綱欽公閣黎鑑公僧錄廷公僧判監公主事連公講主
等而相謂曰有先師所居竹林舊基木場故址我儕等力
不能贍今聞東原海公菩薩聲名蓋代數處建立精舍何
無禮請其人住持修葺永遠剃度光顯吾門不亦可乎衆
皆云然於時敬修書疏及以施狀恭請海公上人維持修
葺師雖允悅謙而謂曰窳隆有數非力能然師諱法海姓
于氏光州固陵人也祖嘗任光化軍節度使祖父昆季咸

居貴顯家貲巨萬值大兵而離散師年弱冠遺跡於魏博
間至館陶東北舍餘地得招提故基曰白佛堂榛莽蒙蔽
師迺芟而除之結茅而處得念佛三昧晝夜寒暑不爲變
易歲在甲辰二月口遇師披剃始蒙出世如寶珠出泥光
溢衆目於是緇俗聽信志力是願相與住持踰六十晦中
起演法之堂齋僧之室方丈海會香積庫囷以次俱新揭
其額曰淨土院時中書右丞嚴公總管東平廼具書疏請
詣本府之四禪寺徒衆雲聚亦復如是乃創爲繪塑大雄
薩埵護法神將百有餘尊光燦具足迄今顯然歲次丁未
僧錄雲公同衆比丘請住持在城大開元寺自是法緣洪
振衆悉歸依人人咸以菩薩稱之居無幾何東振齊魯北

抵幽燕西踰趙魏南距大河莫不聞風趨赴其送施者朝
暮不絕以資賄衣物積如邱阜於是乃重修雷音堂文殊
殿方丈寮舍鐘樓廊廡百有餘間四方下院三百餘處剃
度小師千有餘人俗素豪士受持三歸者莫知其數前後
齋僧幾千百萬給繒纈以賑單貧設糜粥以飼飢餒慈悲
方便靡所不至國師海雲聞師道價特賜號曰明慧大師
一日宴居語諸徒曰所施下院三百餘區吾欲韜光待終
宜何而處有近侍僧夏志成通從容而作對曰有泰山竹
林之古所誠田於餘地山水佳麗人境幽僻可以作終焉
之計師聞之告密而竊記異日弗辭隻影曳杖獨跨寶峯
達斯古礎折草爲廬苟避風雨宴坐習禪方遂雅懷於時
崑花爭秀野鳥聲啣雲山以之變色幽谷爲之生春未及
旬日門徒緇素躡踵相覓願奉衣殮者繼日不輟從茲奉
高一郡誰不歸崇居之未久雲徒旣衆欲廣其厦奄示維
庥召諸弟子付以衣盂而告之曰吾緣盡矣樹此蘭若功
輸爾輩勿忘吾囑言訖移時溘然而逝春秋三十有九僧
夏一十有七茶毗送終者僧俗億萬指無不哀慟爾隨起
塔於靈臺立眞堂於數處仍遵梵儀大事終矣是後小師
志成志通志從嫡孫定峯定廣定玉定果定聚重孫正元
正演正順等於斯竹林相繼住持排肩勦力幾五世矣方
始見成能仁有殿祖眞有堂雲賓有舍庖食有廚三門挾
庫及下院木場所宜用者悉皆備矣復以餘力樹喬松而

塞戶植修竹以封窗又抉以川流縈紆而通諸庭宇滄浪而貫諸階除漱石砌汲烹餼饌灌蔬圃生口菜茹淀歸大壑復入湍流瀑作水簾崖懸百丈澮集龍池湛碧千尋逼之則毛寒過之則膽戰真所為遁世之桃源棲心之福地矣茲有住持小師定玉正元正順等緬想諸公歷歷勤苦恐後世湮沒無聞欲立石傳之久遠特狀其始末託遷公僧判不遠而來求予以文子因而謂曰泰山之尊天下孰不望之竹林之名率土孰不聞之菩薩之化方今孰不遵之復何假以辭飾隨命孺子代筆勉拙來情從其狀而書為記焉

外護功德主照口校尉泰安州達魯花赤兼諸軍與魯勸

農事忽都 外護功德主奉議大夫泰安州知州兼諸軍

與魯勸農事杜天祿 外護功德主從仕郎泰安州判官

唐世英 承務郎同知泰安州事兼諸軍與魯勸農事張

師壽 外護功德主泰安州僧判旺吉祥承事郎奉符縣

尹郃汝舟進議校尉奉符縣達魯花赤忙古友

元貞元年歲次乙未九月下弦日完福大師泰安州僧判

定玉提點正元正演山主正順福就福秀立石 周順男

周瓊刊

右碑連額高五尺六寸廣二尺八寸文三十行行五十五字正書徑六分末書各官姓名及年月僧眾俱左讀在嶽西南麓余寺址惟碑存焉

朱珪先塋記 陳應奎撰并書 在城東南沈於村

泰山志卷一 金石

完

大德四年二月

朱珪題名 正書 在云云山

大德四年三月

竹谿庵記 時震撰 劉綬正書 在徂徠山西北庵內今為玉帝閣碑尚存

大德四年十月

竹谿庵記 泰安州儒學教授時震撰 泰安州儒學教授劉口書

竹谿舊為名區也尚矣粵自隋唐迄宋賢士大夫欣慕詠之作所以誌其盛者不為不備及乎名姓剝落世失其舊剝落而不存者多矣口口覺公一時世滅不能完復可勝嘆哉其興廢之由固有所

不可數計亦由夫宏繼者或非其人安措失宜張而復弛卒無成效者有耳比得庵主口口道源口口口李之高弟李公嘗以賓道口重其能道源治進徒劉進童踵成其事二師皆性行修潔志務勤苦已不口口難強人深為遠邇敬信故當初弊難祈更興口積數年間雖未能復還舊基而殿廊齋舍抑次第而合時完矣其不墜徂徠芳遊者夫豈偶然哉越大德戊戌歲口口劉公學而愛敬之由上考來為奉符尹公久于國政克勤吏職受任伊始量時敷治境內賴安一時行旅過此追憶是庵為移時之畱因口口二師輔口口軍居此晨夕起奉香火凡耗滅無一不復焉即其所恢拓書社振起文明為此境鎮口口口口口口且告

以成敗之由毅然爲之倡首從而助之者皆不憚口口劉
公喜而和之愈靡已焉口口匠會未闕月工已告厥成矣
而口于是擇吉日會鄉老升堂其治成之二師旣感其誠
不吝有所樂施者衆苟非刻石以誌將毋以助施口遂徵
文于僕任口口職義難固辭乃總其始末并編次助施姓
名庸紀是歲月云

大德四年十月巳卯日

右刻在徂徠西北舊爲竹谿庵今爲玉帝閣殘碑猶存
碑與陰及題額皆正書甚剝落難辨金党懷英嘗居此
谿集

觀濤二字并題名

時震正書 在徂
徠之陰中軍障

大德四年十一月

靈巖寺達公道行碑

篆額 左思忠撰
正書 在靈巖

大德五年三月

靈巖禪寺第三十一代桂庵達公禪師道行之碑 將位
佐郎廣平路永年縣主簿圓通居士南宮左思忠撰 本
寺正閑口

有道山僧無塵野衲家風冷淡活計清貧紙襖麻衣芒鞋
竹杖坐則寒灰枯木行則野鶴孤雲洒落心目寬洪眼界
腳根點地鼻孔撩天把住放行只由自己口口縱去不倩
他人心似桂臺之鏡明皎皎然性如走盤之珠活碌碌地
超今越古視死如生傲富貴若浮雲輕功名如草芥先覺
覺後自利利他如斯識量今口口口僕於桂庵和尚見之

矣師諱覺達字彥通桂庵其自號也生爲汴梁尉氏縣七里店李氏子幼而穎悟長而端嚴口不茹羶葷心不思榮貴每聞誦□□諦聽而喜形於色父母相謂曰此子終非在家子爲出家兒則可也遂許爲佛子年甫十二三禮龍門山寶應寺崧巖和尚爲師披剃之後登壇受具□□□氣有老成心遂於本師告香入室其師授以本色鉗鎚似有人路其聰明有如是乎師嘗勸謂曰男子生世不遠走高飛天涯海角參師訪道終是自家□□□外尋覓如管中窺豹時見一斑耳遂辭師雲遊講肆聞南京溫公講主明唯識海義遂師聽學一通百了遂得法師之名非爲妄說師嘗自警曰道離□□□禪不辭文字者教今既學道可不離文字而入道乎羅籠不住呼喚不迴遂爲復叅聞琚山和尚名傳天下聲動人間始爲叅扣未幾聞邢州資戒大會□□□陽問本師崧巖曰赴會之餘其行藏云何其依止云何崧巖曰削髮在洞下之前成名於曹山之後他宗異派不可外尋又聞燕京遂後有資戒大會□□□和尚住持萬壽爲曹洞宗師舍是而他叅猶之秦而適齊矣其依止不可勝用也遂造燕京之萬壽復庵一見待若故人遂授以衣鉢掌之三五年間求□□□句之教復庵退離萬壽隨至齊河之西庵因緣未至時節未來復還燕京叅林泉大和尚心清目冷室與門深屏退紅塵消殘白日百煨千煉刮垢磨□□□露影林泉付以衣頰始爲罷

叅會至元二十二年有奉聖州椴谷山龍巖禪寺書疏禮
請出世開堂師於是日開大口談禪拈寶香祝壽雖復庵
林泉只是這箇爾復整頓叢林寺僧得優足之宜常住亨
豐榮之慶住持四載師自念曰急流終勇退打鬧處抽身
方是衲僧退爲退院復還燕□□□林泉請住藥師小刹
乃衣鉢所也粥魚有序齋鼓依時寒谷生春燼灰發焰慨
然一曲唱起還鄉其省親之心於茲可見布衣芒鞋腰包
頂笠杖挑明月袖□□□徑造汴梁之尉氏乘行之際憶
於齊河之西庵靈巖諸師聞師到此請看轉藏經其畱連
如此日來月往寶峯退院靈巖虛席遽疏禮請師辭讓再
三諸師□□□粥飯因緣行藏時節不可逃趨師知不獲
免灰心住持慇懃六載常住事產無者有之舊者新之破
者完之地土窄隘者寬濶之藪林斫伐者告綸言護持之
師遂退院渡河而南至於法王暫爲小隱有洛京龍潭小
刹古道場也聞師在此請爲永遠剃度住持當是時有香
山普門禪寺虛席乃大悲□□□大小知事雲集法侶
遽疏禮請復爲住持與前代住持海公禪師從舊至新勤
無二跡先聖後聖其揆則一其此之謂歟靈巖舊住落髮
小師畱有數□□□□思巖等想師道業念師功行若
不刻銘立石使後世百千年以來十數輩之後幾於無聞
乃持狀出示始末託興公不遠千里求文于余况桂庵□
□□死生之契義不可辭撫其實以次序之因而爲銘

其銘曰

桂庵我許為和尚枯木寒灰為兩樣脚根鼻孔下分點
地撩天不虛誑半生過教與叅禪頭角軒昂一龍象勞神
焦似扣禪關始得禪門了宗匠林泉林下立功名三派宗
風獨自唱開堂出世椽谷山往往羣邪俱掃蕩歸來都下
住藥師不起狂波與風浪道人活計一鉢藥明月長擔在
肩上幡然退為省親行尉氏汴梁為去向何期靈巖請住
持三載閱窮經一藏天涯海角稱僧家又住香山得名望
大悲要分正手眼一喝踏為根本相揚後世是思巖千
里求文遠相訪師徒烜赫兩生光耀古騰今長萬丈

大德五年二月旦日

小師思捨

思遠

思

持靈巖禪寺月庵長老福海勸緣

錦川匠人夏中興

右碑連額高七尺二寸廣三尺二寸篆額題達公禪師
道行之碑入字徑四寸四分四行文二十七行行六十三
字正書徑八分碑稱達公於至元二十二年任椽谷山
龍巖寺者四年退任藥師小刹還鄉省親憶於齊河西
庵雖不詳年載大約又數年之事然後請到靈巖先看
藏經者三載住持者六載計其時蓋大德初年矣碑刻
於大德五年是移住香山後寺中諸徒思巖等
不忘師之道行而刻此碑其時達公固無恙也

趙榮墓碑

正書 在城西南七
十里南仇古墓上

大德五年

天童和尚默照銘

蒙古書 見金
石文字記今佚

大德六年

冥福院鐘題字

正書 在城
內資福寺

大德九年

泰山志卷之八 金石

四

右鐘文曰皇帝萬歲太子千秋較他鐘
字云皇后千秋重臣千秋者更新異

靈巖寺平公管勾勤跡記

僧覺達撰 思圓正書
在般舟殿大門內

大德十年三月

靈巖平公管勾勤跡之銘 本寺書記思圓書 當山前
住持嗣祖沙門桂庵野衲覺達撰

夫深山裏鑿頭邊經營產業開拓山門輔弼叢林護惜常
住運先覺覺後之心行自利利他之行者其孰能究歟唯
管勾名體相稱耳公諱淨平濟南鄒平縣九湖里馬氏之
子長年十有九歲不甘處俗聞止庵老人道價崢嶸名振
山東徑造靈巖丈室始爲落髮習經業之後受具戒已來
公心貞性古言無粧飾所稟天性也自此閑暇之際發上

品忠心施功向前三門之左鑿石石使車馬直徹院庭
人皆翕然更栽接梨柿諸雜果樹伍伯餘株遶寺諸處及
梨峪栽竹壘石牆遮護看守忠心爲最時有鞍山月泉作
詩上壽贊云管勾多年苦用心栽培松竹出雲青老僧無
可爲添壽只指松筠作壽齡知人之鑿良可爲證不可掩
人之德以示來者使後進發見賢思齊之志不爲無益不
負平公開山路壘石牆栽接之初心焉余錄公之實跡信
筆而書使後世播無窮之苦行耶仍惠之以銘其銘曰
靈巖勤跡厚施功獨占先心貞兼志壯德性自天然何時
嘗出寺甚口下平川鑿石開大路車馬徹庭前接成梨柿
樹栽竹更心堅梨柿并竹子年年貨賣錢高低石牆起可

羨老平禪行滿功成處廣種福無邊止庵門下子昆仲少齊肩苦行千年播佳名萬古傳

大德十年三月二十七日山門監寺思川立石 當山傳

法住持嗣祖沙門古巖野衲福就勸緣 清亭方茂典刊

右碑高二尺四寸廣二尺六寸文二十五行行二十四字正書經八分此碑撰書人皆出釋氏銘序俚鄙而書則嚴整有顏法文記寺僧淨平管勾寺事功行之勤故題曰勤跡之銘管勾者僧職也猶道觀之提點

靈巖寺下院聖旨碑 正書 在靈巖後山神寶寺內

大德十年四月

皇帝聖旨裏 書記思圓書 清亭方茂典刊

帝師下諸路釋教都總統所據泰安州靈巖寺監寺僧思川狀告有長清縣南一鄉淨默神寶寺係靈巖寺下院時

常有一等不畏公法僧俗人等往往于寺家山場內置立炭窠斫伐樹木損壞常住產業久而荒廢搔擾僧眾有得念經告天祝延聖壽祈福等事乞詳狀禁治事得此會驗欽奉聖旨節該寺院房舍裏使臣休安下者鋪馬祇應休著者稅糧商稅休要者但有屬寺院底地土苗林碾磨店鋪解典庫不揀甚麼休奪要者欽此今據見告總所合行出榜省諭諸人欽依聖旨事意如有違犯之人仰所在官司就便痛行治罪施行須議榜示者 大德十年歲次丙午四月八日十方靈巖禪寺山門監寺思川等立石

右碑連額高三尺二寸廣一尺七寸額題皇帝聖旨四字正書橫列於上文十五行行二十五字正書經八分月日中間有印方三寸蒙古篆文迴繆三行下有三押此碑立石者監寺思川据本寺致和元年塑像題各碑

有一行云管供床鏡面油漆施主監寺思川卽此僧也
致和元年距大德十年凡二十三年而思川監寺如故
亦云
久矣

加封大成至聖文宣王廟碑

隸額正書
在文廟

大德十一年七月

上天眷命皇帝聖旨蓋聞先孔子而聖者非孔子無以明
後孔子而聖者非孔子無以法所謂祖述堯舜憲章文武
儀範百王師表萬世者也朕纘承丕緒敬仰休風循治古
之良規舉追封之盛典加號大成至聖文宣王遣使闕里
祀以太牢嗚呼父子之親君臣之義永惟聖教之尊天地
之大日月之明奚罄名言之妙尙資神化祚我皇元主者
施行 大德十一年七月日

右碑連額高六尺廣二尺六寸隸額題大元加封聖旨
六字正書徑二寸分三行聖旨十行正書徑一寸許按是
年五月武宗崩位加孔子號曰大成遣使闕里祀以太
牢宣頒制詞各學勒石有用國書者有用古籀文者此
則以正書譯之他碑皆
署九月此則七月也

重修三皇廟碑

蒙古字額 正書 在
布金山之陽埠上店

至大三年十月

重修伏羲聖祖之廟記

竹林後人畢子麟天祥撰 門

弟張仲寬濟卿書丹并篆額

古之於今聖明之主忠正之臣載於文典祭於殿堂者耳
聞日見豈能盡言哉普天之下環海之中京府州縣山村
塾店人居之處佛寺道觀峻宇彫梁金碧晃耀粧飾之盛
費用之大不啻萬金猶能興成必假衆人之財之力而能

爲之也今夫岱嶽之西有山曰布金山之南有店曰埠上
店之南街之北有前人所興祈福之地一方約伍分其地
之中正北面南右曰伏犧聖祖之廟左曰觀音之堂正東
面西中曰南嶽昭惠靈顯真君右曰劉十八郎左曰法汗
司正西面東曰義勇武安王廟以觀音之堂與東西二廟
壯麗新鮮除香火祭祀之餘別無用意惟伏犧聖祖之一
廟歷年深遠雨漬風吹材木朽爛牆壁傾斜人見之不無
修補之心思其費用之大莫之能爲徒瞻寒目惜而已異
日有本鄉社長張安德思之有父母之遺命欲行修葺不
果而下世哀慟其心如神所使特口敬心禮備香酒祭祀
廟前再拜而誓之曰以安德之身爲人微淺誠意重修現

獨力難辦願神加祐焉卽日歸家置辦筵饌酒菓請問親
舊老長伯叔弟兄朋友好事之人不限遠近多寡與安德
同志肯赴於會見面是幸鄉人間之遞相勸勉忻喜雲集
或材木磚石工匠人力飲食破用一問而足不同而成欲
立斯石記其姓名於碑之陰固請子麟爲文辭之不免以
已之所聞所見而言之也世俗謂之爺娘廟者古任之東
南有山曰爺娘山山下有廟曰爺娘廟至今存焉易之序
卦云有天地然後有萬物有萬物然後有男女有男女然
後有夫婦有夫婦然後有父子有父子然後有君臣有君
臣然後有上下有上下然後有禮義有所錯爺娘之爲稱
者是有夫婦父子人倫之道也書序曰古者伏犧氏之王

天下也造書契以代結繩之政由是文籍生焉以伏羲之
為尊號者見於尚書序者也又易繫辭曰昔者包犧氏之
王天下也仰則觀象於天俯則觀法於地觀鳥獸之文與
地之宜近取諸身遠取諸物於是始作八卦以通神明之
德以類萬物之情作結繩而為網罟以佃以漁蓋取諸離
書曰伏犧易曰包犧然字異義同也自五帝之上號曰三
皇又自軒轅神農之上號曰伏犧聖祖尊之至也後之君
子見其殿宇纖毫隳廢早為修理何難之有斯立石之意
也不亦宜乎記曰伏犧聖祖道化流傳居五帝上在三皇
先始畫八卦觀象于天代結繩政文籍生焉作為網罟以
漁以佃其誰立廟布金山前埠上古店地秀人賢張氏之

子罕與齊肩父亡母化志繼心專會合眾力時再新

石之立期於萬年

天聖兼元帥兖州節度使鎮國上將軍張 男修武校尉

張士表 安錄府判官張士彧 洪沌萬戶顯武將軍張

斌 宣授冲虛至德通元大師東嶽提點監修官兼東平

等路道門都提點張志純 重修補壁維那張青

皆大元至大三年孟春下旬口口張安德 弟張安仁同

立石 奉高王端福 姪王忠幹

右碑連額高六尺五寸廣二尺二寸額題二字篆古文
徑二寸分二行文二十二行行五十五字正書徑一寸
按泰安縣西南賢親鄉有上下埠此碑在埠上店乃上
埠也距城七十里其地有布金山志稱樹林陰亞李白
送王山人歸布山元好問送天倪子歸布山皆即此布
金山也山陽有三皇廟不詳創建緣起碑文為畢子麟

撰而自稱曰竹林後人張仲寬書而自稱曰門弟皆所未詳劉十八郎法汗司皆不知何神文中引世俗語呼伏犧廟為爺娘廟而暢論天地萬物男女父子夫婦之義此可與武梁祠畫象之用韻四字為句者不曰銘贊始以互證也序後兩行有用韻四字為句者不曰銘贊而曰記又金石之一例也文云然後有禮義有所錯然後下有字似衍文補塑作補鑿亦別體也

靈岩寺海公道行碑

篆額 正書 在靈巖

皇慶二年八月

十方大靈巖禪寺第三十二代普耀月庵海公禪師道行碑并序 觀物道人懌齋孫榮享撰 大靈巖禪寺傳法住持嗣祖桂庵覺達書丹并篆額

集賢大學士陳榮祿鄰於京城萬壽寺予由是亦往來其間方靈峯禪師退夾山席棄冗於此予每見讀其

間錄其書間引用儒之經史子集文體彬蔚瀾亮良鮮儻匹而□□求虛無扣寂寞責有窮音抑又一覺筆出情平不為陋學所知及典法萬壽由東川銘予始受知靈峯皇慶癸丑夏四月甲子詰旦靈峯皆比邱數輩攜普耀法嗣思然至大二年□□廿二日行實於愚為普耀請銘愚遽曰東川銘序不通句讀碌碌之誚幸息於包羞其可再靈峯曰伯陽父不云乎下士聞道大笑之不笑不足以為道果復有韓柳二蔡王官庶□□出則當趨走下風鏡中塵烏能為明害辭不獲已勉闕理其狀師號普耀諱福海自稱月庵翼城楊氏季子生而異光照室稚而性好浮圖里開寺曰香雲每戲往則累日忘歸處□□室父母二兄付

其志不可奪至丙午僅五稔乃爲童行於香雲講主成公
誦讀不再略無遺忘歲戊午披剃受具戒罄獲成公平昔
之業有龍象稱乃納履而西入安西伯達禪師□□究無
懈久之伯達訝其聰敏以趙州柏樹子檢量師機鋒勁捷
辭理明哲蒙記前云他日祖道必賴此子宏揚常自度云
雖達毗盧界宜修普賢行聞寶應嵩巖禪師與復庵重足
□□器量沈雅禪風大振存誠敬謁遂入嵩巖室參訪之
暇思畱翰墨重九有賴有黃花封嶽頂又添紅葉壯嵩陽
之句嵩巖聞之云海維那異日當爲嵩山法主至元丙子
聞復庵受□□萬壽寺疏遂北上入復庵室以師雖不若
楊歧會從遊久見其穎悟特達卽以衣頰付之及復庵退
席居齊河以書召之俾應嵩山法王請果符嵩巖之兆至
元庚辰春開演於法□□綱頽載振紐絕復維叢席規矩
之餘臺門堂殿一切所須簷宇無不具者尙冀瞻盼壯麗
乃鑿西嶺瑛垣後崖廣基以起海會延十方雲侶金碧燦
爛奐然一新寔嵩陽之勝跡也□□丙戌夏龍門寶應汝
陽香山二疏交至師去龍門就香山者欽綸命也師自指
門登座至大德丁酉凡一十二臘其創者四圍石寺基正
門丈室二湧路水擊來甃之具厥三所焉寺處山顛唯雨
水是賴師以已資僦運給用十二臘始終如一口□僧室
弊者補闕者增功與法王等傳誦不怠度苾芻千餘指大
德戊戌領疏移席於靈巖禪寺師至則曰危哉巖乎各非

妄得遽命遼師鑿鑿廣平隆殿堂於久替新文室三十餘
口口棟宇無一不備大德壬寅以已資飯僧萬起退席念
率爾受疏挂錫南陽丹霞山古跡成墟府北叢竹廣袤三
頃常住也比邱衆野處其中師傾囊鳩功作塹深廣成尋
以禦諸畜口口魚鼈釜於瓦礫之餘手足胼胝不辭勞苦
竹利遂歸日用諺曰師之身餒虎欲得而食之師亦捨之
矣大德癸卯香山比邱衆退思久積勤舊畢至泣哭以請
丹霞烏能伉儷哉師口口果拒返錫香山未及暮大德甲
辰大都萬壽禪寺具疏懇請冬十月庚寅登座當是供費
事見東川碑大德乙巳欽蒙勅賜元寶萬五千兩正公通
施亦二萬緡以之作儼櫃納質贏羨計焉東廡三十
楹創爲西廡偶駟驗列肆之增繁文則近哩至大己酉
正月戊戌以疾示寂茶毗靈骨口口壽始餘分於靈巖香
山法王丹霞者皆壽塔焉嗣法者二十餘比邱度出時羣
者三百壽六十有八爲僧五十一臘其於無上正等正覺
之道確乎其不可拔於文殊普賢觀音門口口聲色而偏
動用觀始終之際則可知已書不云乎知人則哲惟帝其
難而欲斟酌淺深於滄海窮涯際於太虛况視聽之所不暨
四空之所厯昧不生不滅者哉以是知摩竭提寂滅道口
毗邪離不二法門形乎彼岸矣夫彼岸者名言不可得隨
迎不可見師豈不得其蘊乎是其可銘也已詞曰
乾乾梵師乃眷中土繫西四七寔爲東祖道本於一離而

乃五派分世異昭牒著譜青州崛起用彰曹洞巍乎萬松
 當代紀統爰及午月纂復衣頌大覺冥契詎乖妙用五啟
 元關返錫者一修普賢行厥功克即六通洞徹樞機固必
 語極有無默究愈悉唯此靈區敢侔名字桁梧上壘榱桷
 下頰高甍嶻嶻周原膺膺氣聳泰顛勢超梁父憑軒廣陸
 逐目沃流離朱至精莫測迴修去彼祗樹來此少留其徒
 僉曰師寔罕儔刊銘貞石永揚厥休

大元皇慶二年歲次癸丑八月旦日 小師思軋等同立

石志 大靈巖禪寺傳法住持嗣祖沙門桂庵覺達勸緣

青亭蘇克珉等刊

右碑通額高八尺廣三尺二寸篆額題海公禪師道行之碑八字徑三寸五分分行文二十八行行七十一

正書徑一寸書丹篆額者覺達筆力頗質勁

靈岩寺山門五莊記 篆額 正書 在御書閣

皇慶二年十二月

自元貞年間於塔寶峪口選吉地搆建新莊一所曰北莊也建佛殿三間內塑自在觀音一堂全珈口堂一所內塑關王全西口房三間穿井一眼遶莊開荒地數頃有餘盡在寺家山場界至內遂作一偈出示諸人偈曰置罷南莊置北莊春秋普請好開荒休辜壯志琛公老祖父田園要主張獨鶴泉宜開舊地日中莊也水屋頭開地栽桑日東也覆井坡可蓋新房日南莊中塢店西日西莊也已上這五莊只在靈巖崖界至內建永遠贍濟常住供給

衆僧不爲無益以示來者他日百千年後使諸人共知山門外有五莊在大元皇慶二年歲次癸丑季冬望日當山傳法住持嗣祖桂庵野初記

守座思教書記思圓知藏智正教讀思亨錢帛思海提點智舉提點思宗監寺思川官門思角維那智運副寺思憲典庫子歲思粟殿主思子副寺思宣直歲惟鑒直歲思西直歲子殿殿主洪望外庫思柳知客惟香東莊主思癸南莊主惟堅西莊主惟山北莊主子吉中莊主子益圓頭思圍侍者德慧山門衆知事同立石

錦川夏中興門人王庭玉刊

右碑連額高二尺四寸廣三尺二寸篆額題靈巖五莊之記八字徑二寸五分橫列于上文二十四

十五字正書徑一寸按寺產久爲民占自大德提點舉公詣京陳告悉還本寺至是相距六年第初建五莊開荒贍衆矣碑爲桂庵野初記野初之下記字之上刻篆文覺達二字各印又書碑之一例也不見他碑

靈巖寺就公禪師道行碑 篆額 正書 在靈巖

延祐元年九月

靈巖禪寺第三十三代古巖就公禪師道行之碑 靈巖禪寺傳法住持嗣祖沙門桂庵野老覺達撰書丹

西乾四七東口口三莫不名高天下蓋爲根深蒂固源遠流長心心相印祖祖相傳故曹洞淵源於今愈盛青州之口萬松建立叢林光揚祖道聲傳四海天下指爲祖道中興復嗣口口裕裕嗣足庵肅肅嗣古巖就觀就之學業道

口脚根點地鼻孔遠天諸方敬仰豈虛言哉古巖禪師名
實相符矣公諱普就古巖其晚年自號也真定在城劉氏
子幼口食茹葷長年十有五歲厭俗境好慕空門徑往封
龍山禪房山禮讚公山主爲師落髮親炙博通經業合登
壇受具聞口禪師道行超邁誨人不倦卽往依棲次謁林
棠寶積雲峯禪伯體妙窮元南詢之興日益加矣又聞鵲
里崇孝清安老口前一口大事因緣爲汝日復一日槌拂
之下發明此事雖秘傳密授不滿初心深自韜光遍叅各
宿謁靈巖足庵肅朝口頭然依棲八載迨至元十三年赴
順德大都兩處登壇受具蒙賜度牒及至元十八年當具
時萬壽虛席命足庵住持公亦不憚驅馳結絕不了的公

案幸遇本分錙銚百鍛千鍊故口無窒礙矣遂以衣須而
付之口質朴真純有古風將來足可振吾宗若逢才器須
傳受歷代相承繼後蹤復還寶積閑口十年詣於靈巖充
座元位大德六年月庵海公退堂卽時本寺具疏請開堂
住持大德丁未榮受皇太子令旨又受聖旨護持山門產
業前後一新蒙總統所賜妙嚴宏法大禪師之號日往月
來匡持七載大利不可久居退隱靈棲庵守道口龍山禪
房之命住持二載皇慶元年仲冬復還靈棲庵此時祖庭
少林闕人本寺知事持疏不遠千里而來謹請接口續佛
慧命接物利生平生足矣靈巖受業小師數十餘輩其一
八日子貞等想師道業念師口行若不刻銘立石口年以

來十數輩之後幾於無聞乃持師行狀出示始末求文於
余余不愧辭荒筆謬撫其實而為銘曰

達磨面壁自離西天全提正令密付單傳青州之下四傳
萬松中興祖道大口口口雪庭親孫足庵嫡嗣質朴真純
常行二利大哉古巖面目嚴冷接物利生提口口口靈巖
影裏幸受皇宣功成名遂絕後光先靈棲寓舍不可潛身
禪房莫住翫少林春三花口口五乳峯前末後一著心月
孤口門資衆等不辭勞苦樹此豐碑銘傳萬古

大元延祐元年歲次甲寅九月望日 小師子彬子謙等

當山傳法住持嗣祖沙門桂庵野老覺達勸緣

右碑連額高六尺許廣三尺二寸篆額題就公禪師道
行之碑八字徑三寸四分四行交二十七行行四十六字

正書徑九分按此碑紀古巖就公道行立碑之年就公
現住少林不為銘塔作也碑不言就公世壽幾何計其
歷年當亦六七旬矣其在靈巖先依足庵肅公入載後
開堂住持者七載自別靈巖隱靈棲住禪房復還靈棲
繼住少林相距七載小師
子彬等思其道行為立此碑

靈巖寺舉公壽塔碑 正書額 正
書 在靈巖

延祐元年九月

諸路釋教都總統所照得泰安州靈巖禪寺監寺僧智舉
勝心廣運院務繁興容衆尊賢上和下睦具斯美德宜贈
佳名可曰圓明廣照大師
南陽香山住持桂庵野衲為靈巖舉公監寺荷負叢林領
略常住積有年矣乃足庵門資既稱智舉可字彥高遂作
俚語以為贈之

頭角崢嶸接九皋襟懷灑落絕纖毫扶持大刹寧辭倦輔
翼叢林不憚勞 心固厚志堅牢足庵門下最英豪而今
戰退姦邪輩不負靈巖舉彥高

大元延祐元年季秋望日小師子津等同立石

右碑連額高三尺六寸廣一尺六寸額題舉公提點壽
塔六字正書徑二寸許分三行文十一行行十九字正
書徑一寸按此碑乃靈巖寺提點舉公自造壽塔立石
塔前碑額之上刻呪語曰唵麼呢鉢訶銘呼七字以護
持之前刻都總統加號語後刻桂庵贈字
彥高贊頌語而以鳴鵠天詞一闕綴於末

吉祥寺令旨碑二在城西西南
錢五書

延祐二年七月 五年二月

重修廟學碑并陰側篆額 向毓德撰
王翼正書 在文廟

重修廟學之記 本州石丘作頭周義高翼刊 泰安州

儒學教授尚毓德撰 新泰縣儒學教諭王翼書并篆

夫學校風化之源政教之所自也閩蜀之夷一沐漢唐循
吏之化丕變民風為儒者眾况奉高之近魯乎雖然廟學
興廢亦必待其人也知州徐公創始於大定癸卯馬公重
修於至元辛未今復五十餘年雖有柏林地課以給棗盛
尚口學田以贍師弟是以加號之碑久而不立十儒從祀
闕而不繪殿廡堂齋簷桷崩摧不蔽風雨前為政者葺理
未及瑯琊張公中順來治是郡下車之際恭謁宣聖傷其
廟貌久廢故與監郡也先不花承務同知亦捏帖木兒昭
信州判張公忠翊案牘王惟鼎都目尚撫等各攄已俸市

其瓦木爲之復修士庶聞者莫不助其糧力爰命奉符尹董公承務督其役不再月而畢功輸奩一新庶事是舉立聖元加封大成碑於西廡之南繪濂溪明道伊川康節橫渠涑水晦庵南軒東萊魯齋真容於兩廡之次撥魚池劉德上王趙乞兒戶絕二地參拾柴大畝以贍其學由是文風日盛甲於他郡諸公以毓德主善於斯故命茲文庸紀其跡愚以自古設學不過明夫五常之道是道也本乎天性雖曰人皆有之不無氣物拘誘必以持敬養之於幼繼之以格物致知之功推而至之可以平天下奈何異端起而亂真詞章行而失正道學鄉失其傳若非周子復啟其端晦庵諸公開示蘊奧孰知古之道哉方今以科場取士

法依三代不用律賦省詩小義惟尙格物致知以明四書九經之義經義則不拘格律策則不矜浮藻必以理勝爲主盡革詞章之習道學復興敦尙行實事皆循古所以明其道也郡守諸公欽遵上命承流宣化貴德崇文重修廟學庶政由是而成風化以之而美豈惟居民之幸亦儒學之幸也故據其實而勉爲之記 大元延祐二年歲次乙卯八月日立

承務郎泰安州達魯花赤兼管本州諸軍與魯勸農事也
先不花以下左讀 中順大夫泰安州知州兼管本州諸軍與魯勸農事張允恭 昭信校尉同知泰安州事亦捏帖木兒 忠翊校尉泰安州判官張亮 都目尙搗 提控案

牘王惟鼎 司吏馮用彰 孫仁 邵伯謙 陰德昭
孔文 劉澤 李之肅 鄭彬 耿守仁 司誠

右碑連額高六尺二寸廣二尺八寸篆額題重修廟學
之記六字徑三寸分二行文二十四行正書經五十字正書
徑七分碑陰刻官吏姓名二十四行正書經五十字按今
之泰安府在元時為州泰安縣元時為奉符縣故碑陰
官屬皆列本州及奉符縣碑文云奉高近魯者奉高
縣名本於漢晉之舊也碑云知州徐公創始於大定癸
卯馬公重修於至元辛未徐公謂徐偉馬公謂馬驥也
泰安縣志但載二公之修未建於學校而獨於延祐二年
知州張允恭之重修則略而不書惟
錄碑目於金石卷中亦志之疎也

靈岩寺執照碑并陰篆額正書在大殿西

延祐二年九月
皇帝聖旨裏泰安州長清縣承奉泰安使州指揮來申據
靈巖禪寺僧人陳思讓當官告稱累累被前煽煉人等於

本寺山場內騷擾不安誠恐已後引惹事端告乞施行得
此縣司奏詳如蒙出榜禁治誠為便益申乞照詳事得此
照得先據靈巖禪寺僧人陳思讓狀告本寺即係與國家
祝延祈福大禪寺經今千有餘年全憑本寺地土山場四
至內諸樹修理殿宇房廊養贍僧家已有累降聖旨事意
四至碑文為驗皇慶元年三月初二日本寺欽受御寶聖
旨節該泰安州長清縣有的靈巖禪寺為頭寺裏住持的
柱庵長老提點監寺為頭的和尙每根底執把著行的聖
旨與了也這的每寺院裏房舍裏使臣休安下者鋪馬祇
應休拿者商稅地稅休與者寺院裏休斷人者官糧休頓
放者不揀是誰占著的田地交回付與者但屬寺家的并

下院田地水土園林碾磨竹子山場解典庫浴房店鋪不
揀甚麼他的揀的是誰休侵奪要者這和尚每道有聖旨
麼道無體例勾當休做者欽此除欽遵外於延祐二年三
月初一日有長清縣賚到文字壹紙令本寺僧人前去中
塢店聽讀聖旨思讓與本寺長老大小人等前到本店有
內史府差來官李忠顯等向思讓言道俺賚擎御寶聖旨
前來開讀訖除欽遵外其本官對思讓等言道爲您這寺
九曲峪內有銀鐵洞冶起立銀鐵冶便要吐退准伏文狀
思讓回道元奉聖旨交您無違礙地內這九曲峪是俺寺
家四至地內贍寺常住山場地土自來爲土不會有人侵
奪道罷本官前去長清縣令本縣官司行發信牌將思讓

等勾擾不安告乞施行得此爲恐不實行據本縣申照得
除外遵依移牒本縣主簿札木赤進義不妨本職親詣靈
巖寺九曲峪照勘踏覷前項銀鐵洞冶是否本寺山場四
至內地土明白係結牒來去後回准牒該備奉泰安州指
揮爲靈巖寺陳思讓告地土請不妨本職親詣九曲峪踏
覷前項銀鐵洞冶不見是否山場四至內地土爲此喚到
劉底係見役社長魯進狀結年七十三歲係本係生長人
氏自記事以來知得靈巖寺山場東至仙臺嶺南至青尖
山并大峪分水河曲屈爲界西至老婆山北至方山碁子
嶺日今九曲峪與煽銀洞冶委是靈巖寺山場四至內地
土外別不知其餘事因如官已後體究得銀洞冶却不係

本寺山場四至內地土進情願甘當誑官罪犯無詞得此
 又喚到聶提領轉委頭目段昌狀稱即與魯進詞理相同
 文狀在官却行前到靈巖寺抄錄到明昌五年鐫鑿碑陰
 界至照勘得亦與魯進所責無異及喚到本寺監寺陳思
 讓彩畫到四至圖本粘連係結牒來請照驗事准此縣司
 今將彩畫到四至圖本抄錄到碑陰界至保結申乞照驗
 事得此申奉到中書兵部仰已經備關內史府照勘依例
 施行奉此行下本縣依上施行去訖今據見申使州除外
 合下仰照驗欽依累降聖旨事意依上禁治施行奉此除
 外合行出給執照付靈巖寺收執欽依施行須至出給者
 執照 右付靈巖禪寺收執准此

延祐貳年玖月 日

右碑連額高八尺廣二尺八寸篆額題宣賜靈巖聖旨
 之碑八字徑三寸分二行文二十六行行六十字內惟
 延祐年九月日字扁闊一寸五分餘俱方徑七分月日中
 間方印一顆方一寸八分蒙古篆文此行直下有二押
 碑陰刻字三層第一層延祐五年三月第二層至順元
 年十一月第三層至順元二年三月碑內所列四至山
 名惟方山今見長清縣志餘若仙臺嶺青尖山老婆山
 碁子嶺九曲峪等名皆不存矣志載市集條下有剏底
 店集即碑所稱剏底保也碑陰額題泰安州中准執照
 之碑九字正書徑三寸橫列於上下分三層上層刻延
 祐五年三月執照十一月執行二十五行行十四字正書
 層刻至順元年十一月執行二十五行行十四字正書
 六分下層刻至順元年十一月執行二十五行行十四字
 正書徑七分俱有印押碑側刻篆古文一行七字長二
 尺許廣八寸延祐五年者寺產為侯得山占據告狀斷
 回因給執照至順元年者僧貞提點買得官地官給二
 照一為泰安州所給一年為奉符縣遂合刻於碑陰大指
 如此文不具錄當時官地須由社長陳請官壕壕打
 量然後繳價給贖元制於此可見以一分六釐地而價
 直中統鈔十定則地價亦不廉矣今南方人口語謂物

之不真為假鈔此碑有云地價檢驗無偽可知假鈔之語昉於元時長清縣所給至順元年執照為奉符縣所給殆執照為長清縣所給也壻稱妻父為丈人見於裴松之寺產界連二縣之間也壻稱妻父為丈人見於裴松之三國志注而流俗或未盛行此碑云候得山丈人于元則是當時通行之稱矣

張志純遺世偈頌正書 在城內 關帝廟壁間

延祐四年二月

宣授東嶽提點監修官張君壽期九十六歲四月二十五日降誕八月十二日昇霞乃作遺世頌曰

脫下娘生皮袋此際樂然輕快百尺竿頭進步蓬元洞府去來前世宿德醫僧今作道門小才 山僧拙頌啟上

奉高賢者 保貞大師會真宮提舉王若禎敬立二石 大元延祐四年二月二十九日郡人張貞書

右石縱廣一尺四寸橫寬二尺一寸偈頌題識共十四行行八字正書徑寸許按碑末有小字二行云萬曆甲午秋會真宮災刻無所附余因楊道士請移置關聖廟壁左則知此碑舊在會真宮明萬曆間移於關帝廟也

會真宮古之奉高宮張志純為嶽廟提點臨終為此偈以遺奉高賢者故提舉王若禎刻于會真宮然曰敬立二石則是更有一石矣

太師泰安武穆王忙兀博羅謹畏答神道碑并陰

篆額 姚燧撰

并八分書 在城西舊教場

延祐四年四月

當大德癸卯燧持憲節使江之東三年光祿大夫上柱國江瀾行省平章政事公之三子內口口太宮宿衛渾都與江東建康道肅政廉訪副使伯都及行河南省參知政事墊仙帖穆而譜其系狀其事以請曰先公三宿墳莽矣其

忠以事國孝以繩家光大而雄偉者不及今焉鑿之金石
將日遠日忘奚以示遺胄於無窮敢屬筆子燧以與憲副
聯事此道義不可辭乃序之曰公忙兀氏諱傳羅驩畏答
而公之曾孫蘇木曷公之孫瑣魯大都公之子始畏答而
與兄畏翼俱事太祖時太疇盛彊畏翼謀往歸之畏答而
苦止曰帝何負汝而爲是竟去追又不復雪泣而歸請獨
宣力帝貳之曰汝兄與衆皆往獨畱何爲無以自明乃折
矢誓曰所不忠事帝者有如此矢帝感其誠易名屑廬約
爲按答蓋明炳幾先與友同死生之稱帝後與王罕陳於
曷刺真彼衆我寡刺兀魯一軍先發其將兀徹帶玩鞭馬
鬣不應屑廬請曰戰猶鑿也匪斧不入我先爲鑿請君斧

繼顧帝訣曰臣萬一不還三黃頭兒將軫聖慮者辰入
戰大敗其軍哺猶逐北勅使止之乃旋師免胄爲殿腦中
流矢帝傷之曰朕戒卿早休兵竟創而歸親爲傅藥寢與
同帳踰月而卒帝曰曩只里吉爲敵將實禦屑廬其以只
里吉民百戶屬屑廬子世世歲賜勿絕其族散亡者收完
之卽封北方萬家太宗以其子忙各爲郡王又俾貴臣忽
都忽大料漢民分城邑以封功臣割泰安州民萬家封郡
王歸奏帝問忙兀之民何如是少對曰臣今差次惟視太
祖之舊舊多亦多舊少亦少帝曰不然舊民少而戰績則
多其增封爲二萬與十功臣同爲諸侯者民異其編兀魯
爭之忙兀舊兵不及臣半今封固多於臣帝曰汝忘而先

玩鞭馬鬣事邪後諸侯王與十功臣既有土地人民凡事
干其城者各遣斷事官自司聽直于朝公年十六爲斷事
官世祖正宸極以從征叛王阿里不各功賜其軍驃馬四
百匹金銀幣帛稱是尋詔入宿衛曉近臣曰是勲闕諸孫
從其出入禁闈無輒誰何李瑄友詔將忙兀一軍圍濟南
鈔益都萊州賊平決獄燕南人稱明允賜衣一襲雲南王
虎各赤爲其省臣寶合丁輩毒殺事聞勅中書擇可治其
獄者凡四奏人皆不當旨丞相先真舉公且言敗事臣請
從坐帝曰之人則可公辭臣不愛死第年少目不知書帝
曰朕方恃卿求皇子死尙書別帖兀而知書惟可使之簿
責其事是否一委自卿明日慎無歸咎輔行也且聞卿不

善飲彼地多瘴宜少飲敵之未至四五驛所寶合丁遣人
負金六羸來迓公曰雲南去朝廷遼邈省臣握兵不安其
心將懼而變乃好爲語遣之旣至盡以金歸省而竟其獄
得置毒情殺之而還奏可顧先真曰卿舉得人賜兼金爲
兩五十武備寺奏今入筋角惟忙兀以時駭於常歲帝曰
其報賜之自今凡忙兀事無大細如札刺而事統丞相安
童者悉統於博羅驩八年授昭勇大將軍右衛親軍都指
揮使虎符大都則專右衛上都則三衛兼總十一年授金
吾衛上將軍中書右丞太師南伐分軍爲兩制曰其右授
丞相伯顏阿朮節度左丞委卿指一犯法臣曰如別急烈
述失朕不責也俄授兼淮東都元帥軍于下邳公策諸將

壽山志卷十八
日清河居宋北鄙城小而固與泗州昭信淮安實相犄角
當水陸衝未易卒拔可頓大兵爲疑海州東海石湫違此
數百里其守必懈吾將輕兵倍程而東其守臣可襲虜也
師至海州丁安撫果下石湫東海隨下清河史安撫聞之
亦下不一月而下四城宋主旣降而淮東諸州猶城守故
太傅伯顏入覲還密詔以公進兵拔淮安南堡戰白馬湖
及寶應棄高郵不攻由西小河達漕河據灣頭堡斷通泰
援竟投揚州斬其制帥李庭芝淮東諸州悉下賜西域藥
及蒲萄酒介冑弓矢鞍勒會分江南諸州隸諸侯王及十
功臣又益封桂陽州十四年遣平叛王只里幹帶於應昌
以盤帶幣帛與博羅同署樞密院事未久授北京右丞
旣至召還會南土多反者詔募民能從大軍進討者俾自
爲軍其百夫千夫惟聽其萬夫長節度不役他軍制命符
節一與正同已行矣公疾不能自陳合董司徒文忠入言
今者日所出入勝兵何啻百萬何假此曹無賴僥倖之徒
以壯軍威臣恐一踐南土肆爲貪虐斬伐平民妾其婦女
橐其貨財民畏且仇反將滋衆非便召興疾入帝視其色
瘁然賜坐與語重陳董奏可之適常德入愬唐兀帶一軍
殘暴其境如公所策勅斬以徇諸是軍皆罷之十六年扃
刺斯博羅斯幹羅罕薛連干皆彊宗也勢不相一求遣大
臣來莅詔令公往凡居是二年十八年以右丞行省甘肅
時大軍駐西北仰哺省者十數萬人自陝西隴右河湟皆

不可舟惟車輦而畜負之塗費之餘十石不能致一米石
至百緡公經畫得方供億不乏賊不敢窺邊者二年廿有
一年授龍虎衛上將軍御史大夫江南諸道行御史臺事
黃華反徵內地戍兵進討未能平賊多奴良民以歸公令
監察御史提刑按察司隨在糾覈皆止還之以疾歸會諸
侯王乃顏反帝欲自將征之公曰始太祖分東封諸侯王
及侯其地與戶臣如知之以二十率之彼得其九忙兀兀
魯札刺而宏吉烈亦其烈斯五諸侯得其十一彼力滋多
吾力滋多吾有衰耗彼亦衰耗然要其歸五侯之力終多
彼二惟責徵兵五侯自足當之何煩乘輿臣昔疾今愈請
事東征制可賜介冑弓矢鞍勒命公董是五諸侯兵以行
與乃牙接戰屢摧其鋒再與其黨一王塔不帶戰霍雨不
止軍以乏食求却公曰兩陣之間勿作事先已而被軍先
動公悉衆乘之逐北二日身中三矢禽塔不帶斬忽倫輩
後與月列魯太師合力始誅之賜銀爲兩四百五十幣帛
九不再月其党一王哈丹復叛公再請往詔與諸侯王乃
馬帶討之公徂於屢勝一日不虞賊游兵卒至止從三騎
返走有絕壑前廣二丈深加廣半追兵且及獨公策馬能
越三人後者皆見殺人以爲天相忠義後逐北極於東海
之孺哈丹自引焚獲其二妃斬其子老底於陳凡戰四年
所俘金銀悉散將士以故人致死力賊平勅一妃賜乃馬
帶一妃賜公陳金銀器延春閣召東征諸侯王及公至將

分賜之問公卿家是器幾何璽帶有無公曰以陛下威德
奉身之物亦畢備矣帝曰朕出此本以醜卿曹之勞在人
則伐其能以幸多取朕問猶曰既有可謂謙挹不眩于貨
者豈合其徒手歸姑賜是器五百兩二十八年改河南宣
慰司爲行中書省求可首是省平章者凡三奏皆不允末
乃及公則可授榮祿大夫平章政事淮鹽爲引歲六十五
萬前政多逋至公如額而集賜異幣一開封監縣帖兀而
告廉訪使胡某不戢其民昏集曙散縣簿陳勸置巡屋器
械於村又周劉光店爲牆四其門扇鑄司夜出入詔公按
之皆誣杖而徙戍南邊河水遷流無常民訟退灘連歲不
絕或以其地投獻諸侯王求爲田民自蔽公奏正之仍著

爲令河後泛濫隄埽橫潰歸德睢州汴梁水及城下潏爲
巨浸公親行水督有司捍完之皇上元貞二年遷公平章
陝西未行而改復爲河南入覲奏忙兀一軍戍北歲久衣
率故幣請以臣泰安州五戶歲入絲一斤積四千斤盡輸
內帑易爲匹帛分賚諸軍上以爲益勅遞車送達軍中賜
銀爲兩百五十幣皇三陛辭之日上諭之曰卿今白須世
祖德音實足聽聞事更加慎中書平刺真宣政院使大食
蠻合奏始者伐宋始祖分軍爲兩右則屬之伯顏阿朮左
屬之博羅驩今伯顏阿朮皆有田民而博羅驩獨不可後
上曰何久不言豈彼恥自白邪其於淮東所嘗戰地高郵
已籍之民賜五百戶以上中下率之上而中下各二及

圈背銀倚比再至汴踰年凡流外官久滯不銓旅食道宮者旬月皆出之大德之元叛王岳朮忽而兀魯速不華來歸公遣使驛聞始是諸王叛由其父是輩小弱若無與知今焉來歸宜棄前惡以勸未至上曰是奏深契朕衷改平章湖廣賜金鞍勒至汝寧合福建省于江淞授公光祿大夫上柱國江淞等處行中書省平章政事賜玉帶夏大旱隨禱而雨杭之豪民十家入賂于官大爲釀務高其估而專其利酒日滴惡公變其法改省四憑其富蓄凌轢府縣肆爲姦利自刻木牌與交鈔雜行民間實侵貨幣與國爭利又盜隄海之石牆其私居公欲斬之而中書刑曹當以杖然亦由是大姓始知重足立矣以大德庚子五月二十有二日薨於臨安寓舍年六十有三以其年七月八日葬於檀州西北太行山不封最其平生典兵則右衛都指揮使都元帥樞密院風紀則御史大夫宰相則三爲右丞四爲平章與夫四十七年馬足所及西南雲南西北金山東北海隅東高句驪東南吳閩再討叛臣四征叛王其間事平而疾聞變請行惟以有國艱虞爲憂視轉鬪乎萬里之遠歷歲之久若堂與之朝夕焉雖風雪皸瘵其膚鋒矢交集其躬飲食饑渴不時其口體皆不避恤必致寇首戲下歸報終事而止真凜凜有曾考風上尤眷重之若世祖身御橐鞬弓矢皆萬世傳寶不以賜臣下者惟以賜公海東青鷓雜先朝多或十賜至白鷓觜爪玉如聖語曉曰是禽

惟朕及鷹師所鞫以卿世臣諸孫宣力之冬日桑榆矣無以娛心河南治地平衍而遠且多陂澤鵝鶴所集時出縱之使民得見昭代春秋蒐田之盛不敢萌啟邪心皆殊錫也夫人兀怯烈氏口按檀氏口札刺而皆前公卒今夫人札刺而氏王氏按檀氏宏吉烈氏男口人太宮憲副參政博羅公於庭臣居家最名有法夜分不寐諸子列侍其前聽談祖宗故實毋敢或歸私室燕奉樽俎迭歌舞以娛賓亦無有酒失者女六長適國戚卜伯次適薛徹干平章子僉書樞密院事完者次適國王弟孛蘭盼次適月赤察而太師弟怯烈出次適山東宣慰使必宰牙幼在室男女孫如干銘曰皇矣太祖肇造方夏右之左之惟十臣者公之會考展一其中折矢瀝告帝視友同敵陳來加挺戈而出大崩其軍免胄而入五兵之長無矢不仁由賊叩輪懋功是創帝惻其心百俘償死顧成嘉止旣王其子逮分茅土帝自等差國以泰安二萬其家公祖王季勤勸克類再傳而公世祖之事勲闕遺苗帝植以培而獨於公嘗譽其材聽於禁闈無止入出翼翼其心彌謹自律隨遇而安利患靡干承命卽往奚遠奚難東北海邦西南南詔甌閩炎陬金山遐徼聞有艱虞必請赴趨大獄叛藩無一漏誅人臣憲憲曰名臺院平章大夫有密鈞踐先聖今聖資子優優良駟天閑豪隼御鞫彙韃介胄鞍帶衣裘黃白之金委家如邱皇矣太祖于疆于理惟公會考實成其始遺厥大艱

昇之神孫神孫世祖闢乾翁坤考其皇興南北猶判孰是
浙右羸鬼歆裸大興師征截業百城罔不箠壺竭履義聲
傳其國都辱王銜璧蕞爾淮東諸州猶壁詔公進攻盪穢
渠兇九域攸同公焉成終將天之意悠悠或至成始之孫
宜際斯會益封桂陽江嶺外內於乃先烈克光以大嘗聞
古先誓侯功臣泰山如礪國以永存嗟公王孫國泰山下
權輿礪如其自今也

延祐四年四月廿日男翰林學士承旨開府儀同三司知
制誥兼修國史堃仙帖穆而建

右碑連額高一丈六尺六寸廣五尺六寸篆額題大元
太師泰安武穆王神道之碑銘十四字徑六寸大元
字橫列於頂太師以下十二字分三行列於下文前
刻各三十七行行九十九字八分書徑八分按碑文

公以大德庚子五月二十有二日薨於臨安寓舍以其
年七月八日葬檀州西北太行山是未葬泰山下也今
墓在岱西南麓俗呼土公土母墳神道碑在其南距墓
里許豈葬後復遷於此耶銘詞內由賊叩輪與上句無
矢不仁叶韻自當於下句懋功是創倒互泰安縣志載
此文已改正今仍碑文之舊而辨其誤如此博羅驩及
其會碑其答而元史皆有傳碑與傳大致皆同所不同
者碑作幾先與友同生死之稱史云更名薛禪約為按
蓋明禪者聰明之謂也按達者定交不易之謂也碑云
達薛禪者聰明之謂也按達者定交不易之謂也碑云
曷刺真史作只里吉實碑云忙各史作忙哥碑云博羅驩
里吉史作只里吉實碑云忙各史作忙哥碑云博羅驩
史作博羅歡碑云阿里不各史作阿里不哥碑云賜驩
馬四百匹史作四十四匹碑云虎各史作赤史作赤碑云
先真史作線真碑云益封桂陽州史云益封桂陽州史
湫史作石秋碑云只里幹帶史云只里幹帶史云應昌史
萬一千戶碑云只里幹帶史云只里幹帶史云應昌史
作德昌碑云曷刺斯博羅驩史云曷刺斯博羅驩史
斯博羅驩史云曷刺斯博羅驩史云曷刺斯博羅驩史
那演碑云老底史作老而無薛連干碑云岳大忍而史作藥木忽
兒大抵字音相近隨宜通用其有傳聞互異者碑與史
所載不同自當以碑為正也史載公累贈推忠宣力贊

運功臣太師開府儀同三司上柱國加封秦安王諡武
穆而碑悉略而不書碑中男口人秦安志則西人然
以碑與史前後文核之只渾都伯都室仙帖而三人
非四人恐志誤也公以大德庚子薨於臨安而三人
其年七月葬檀州太行山庚子是大德四年始作墓
誌在癸卯歲是大德七年其立碑在延祐四年距公之
葬又十五年矣疑為遷葬理誠有之然碑無明文不知
當時埜仙帖穆而何以竟無一語述及秦安立碑之故
也

展氏先塋之記

篆額

鹿思固撰 李克公正
在府城東南王莊南一里

延祐五年九月

展氏先塋之記

濟南路錄事司儒學教諭鹿思固撰

夫展氏魯大夫無駭之後春秋公八年口口口口與
族族氏口也公以無駭出於公之命遂命為展氏
侯以字故也公子展旺述其遺也世居魯地祖

汶水之陰曰王家莊枝蔓派分世革時異力田為業世豐
顯跡自高祖以上不能道曾祖諱開曾祖妣封氏孫氏三
子長曰泰配寇氏次曰海配田氏次曰聚娶孟氏女五人
長適管軍百戶時公次適賈文卿泰即公之考也性剛勇
有膽略束髮從軍為千夫長天保時候手將適天兵取宋
隨侯攻擊襄樊眠食坐作左右恒在以牌相屬甚見親信
蓋亦忠勤所到也屢權其職享年七十八歲某年某月某
日以疾卒於有缺泰配寇氏先卒二子長曰興配楊氏男
三子女三人長世忠娶薛氏次世明娶張氏次世和娶楊
氏長適徐辛次適楊四次適薛三次即公也女四人長適
柴城適李溫次適趙進次適劉三次適張全質純性孝治

家勤儉親生則盡其敬養終則盡其哀感晨昏啟覲醮祭
追思某年某月某日將二親藁殯合葬於先口口城躬負
土為墳臺而高之手胼肩頰驪虞也或有憐而助其力者
不聽輒其膚顛屋而櫬焉非為故觀於口乃盡其孝心而
已嗟夫後世不為溝渠道路所侵權豪勢力所奪者於此
見矣其慮深長甚有理旺配口氏口子名世賢孝友儉勤
宛有父風娶王氏女三人長適力里李忠次適延東裴懋
三適本村朱提於某年某月某日四十三而卒繼室鮑氏
一子名世英娶封氏女一人招配王整公懋君田畝不讀
書祖宗世數不能知名諱不能記子孫賢否其能必慮恐
將來亦猶今日也臺墳垂成礮石以記之庶或傳遠俾後

世子孫識而不忘予適送弟贅于朱氏介前來屬予予美
其能忘田畝不口口能盡養生送死之道又垂範於其子
孫誠可嘉尚敬為之書公年六十有五矣

延祐五年九月日嗣子展旺立石清亭李克公書丹題額

清亭石匠李石匠李克公高世在刊

右碑高四尺八寸廣二尺一寸文二十行行四十一字
正書碑陰書展氏宗派字模糊不可辨僅有嗣子展旺
四字
可識

創建藏峯寺碑 劉綬撰並正書
岳西麓三十餘里

延祐六年六月

創建藏峯寺碑記

泰山下所建招提無慮以十數如佛峪之玉泉竹林之寶

峯靈巖之十方禪寺皆名利也山之西有聚落曰新莊新莊之北十里有奇曰藏峯寺亦其一焉寺之周圍岩巒叢秀林木茂密中有隙地十餘畝並有泉泓澄雖大旱不涸初鄉先生耿公定遠之姪曰偁曰佺闢此以避兵厄迨皇元撫有天下偁等復安舊業恒謂地脈之奇他日必有人建名利以遺乎後一日寶峯寺僧定祿過所居偁與語曰吾有茲地煙霞窟也爾能駐錫於此否祿環脉喜曰真福田也捨此焉往爰山日結庵而居意欲作廣文堂幾病歿嗣守者偷安惰窳荆榛蕪沒大德癸卯秋有僧某來居無士恭壻王衡嘆曰寺地吾家所施荒廢日久矣不意有無人與鄉老謀之爰敦請僧福岩主焉岩本泉州惠遠縣人年二十始學浮屠來居泰山竹林寺操守清慎雅爲遠邇嚮信既受請來棲嘗愀然曰我輩辭親出家幸依名山朝廷隆優復之典檀越普敬信之施乃茅茨僅足以庇身莊嚴無足以供佛將何以祈遐福而祝我君父勇以興建自任日率三兩人持刀執斧先於叢莽之擁蔽者伐而刈之復嫌地基迫隘恢擴其址鑿石堙谷剡高壘窪啟其私橐構佛殿於上殿之左右翼以兩配又東爲香積西爲雲堂寮舍庫廡確磴蔬圃罔不悉備更置田三十五畝以膳徒衆士恭歷覽欣然而謂余曰二十年來福岩經營締造克就厥緒若斯匪文諸石無以傳後余曰噫嘻竺乾之道流於東土剝除鬚髮而爲沙門者比比皆是其克宏宣聖教

泰山志卷十八
崇構祠宇者曾不一二觀如福岩其人內有所參外無所
求身處深山窮谷而甘心創立永為焚修較彼燧臂灼頂
朝乞暮丐至老死而不能豎一椽覆一瓦者又奚若哉自
茲斷愛滅慾覺性常圓是不必九年面壁而已早證如來
上乘者也士恭與岩嚮余稽手曰敬聞教請以斯語勒諸
石

元延祐六年六月二日

右碑正書在嶽西麓
三十八里藏峯寺內

神通寺敏公監寺壽塔記

篆額 僧智隆撰并八分
書在現瑞山神通寺西北

延祐六年十一月

勅賜神通寺住持金輿長老智澄撰并書丹

塔以旌名顯德由來尚矣敘其所以吾宗其明昔我口口
口無上天人師圓寂之後寶塔是興或以澡瓶錫杖口口
則益伽黎頂骨齒牙爪髮舍利降生成道轉鴻輪降魔外
口神變般涅槃如是處所皆樹立之厥後釋子倣于上而
倣于下各居一方碁布星列遍滿真丹或以師事茲乃敏
公監寺壽塔也姓張氏濟南西郭人幼拋塵累樂慕釋門
禮神通寺住持淳愚長老雲公為師法號智敏課習經訓
已而為筵笈遊履講肆歸來事師荷眾罔少懈倦大德四
年欽受聖旨護持山門為監寺之目歷數稔主宰華嚴院
暨任歷城縣都綱之職恬然安靜既獲善代釋教督總統
所授以廣德大師之號又復住持采石山大聖院周急飯

衆今年過耳順安居祖庭由是慧川率諸昆季立壽塔于祖塋以記爲請予嘉崇師報本之義來告略迹見聞事跡姑塞來命云耳

將仕佐郎益都路滕州鄒縣尉孫男張玘

大元延祐六年歲次己未仲冬吉日人慧川慧岩慧苑

慧時慧讀慧冀口口等立 清亭方丈刊

右塔記高二尺七寸五分四面各寬一尺五寸七分自南面有篆額者起東面爲壽塔記其記末題名復轉在南面稜上記字十五行行二十三字字徑七分八分書額六字徑三寸許篆書在神通寺西北

李簡謝雨文 在山西西南淵濟公廟今佚

延祐七年

漢柏二題字 趙孟頫正書在岱廟今佚

延祐口年

靈岩寺勸請容公住持跡

至治二年十月

忽都虎郡王太夫人八達氏詩刻

至治元年

金石文字記云元碑最多不盡錄其稍異者有至治元年忽都虎郡王夫人八達氏詩詩只二句曰岩前松檜時時綠殿上君王歲歲春大字刻之亦不類婦人筆也又有宋蘇子由五言詩驗爲後人補刻而復有子瞻徐州一歌誤刻于此

靈岩寺聖旨碑

泰定元年

岱岳廟聖旨碑 見金石文字記與至正四年聖旨同一石

金石

泰定元年

靈巖寺壽公施財修寺記

正書 在靈巖寺前半
後寺壁僅露後半碑

泰定三年三月

大利益綿綿者歟無奈年深歲久殿宇既漏日風穿可憐
日往月來聖賢盡灰身兩側幸有大施主本寺僧壽公禪
師特運虔誠施中統寶鈔叁仟緡用助大殿緣事又施寶
鈔壹仟伍百緡重脩西三門可謂昔時勝跡今日重興三
十二尊鎮山羅漢光生一千餘歲祝壽大堂具備承斯妙
善願皇基茂盛共享堯舜之年施主與隆俱獲人天之福
餘希見賢思齊者皆大元泰定三年歲次丙寅三月吉日
記 山門監寺思川上石

當山住持傳法嗣祖沙門古淵野衲智久勸緣 石匠李

克堅刊

右碑高二尺四寸廣祇一尺存字十行行二十五字正
書徑八分按此碑僅露左半幅其右半嵌于寺壁不能
推揚無全文可錄壽公以寺僧而施財修葺數幾半萬
雖不知其道行若何要其不私已財破除慳吝非庸僧
可及矣當時住持智久既勸壽公施財修寺又有舉公
施財買產先後不數年間之事而智久皆為之立石表
其勲績則智久之
振興常住可見矣

靈岩寺何約張鵬霄詩刻

正書 在
般舟殿

泰定五年正月

天下名藍稱四絕方山雄與岱宗連古淵堂上凭欄處似
在棲霞太華邊 泰定五年正月下旬日 中憲大夫前
山東東西道肅政廉訪副使河東何約畱題 承直郎前

江東等道肅政廉訪司經歷張鵬霄同來留題 靈巖古
佛利雄映泰山巔環抱嵐光裏沈涵月照邊禪房森木蔭
梵宇衆星聯一到絕塵俗幽棲信有緣

當山住持沙門古淵 提點思讓 監寺思川同立石

書記恒勇書 李克堅刊

右碑高一尺六寸廣三尺三寸詩
共十七行行十一字正書徑一寸

靈巖寺塑像題名碑 正書 在 般舟殿

致和元年八月

管糝塑聖像施主花名如後

管塑當陽釋迦如來施主待詔僧子工 全管糝鑿當陽

聖像一堂施主提點智舉 管塑文殊普賢二大士施主

提點思讓 管週圍糝塑三十二尊羅漢施主院主思善

管供床鏡面油漆施主監寺思川 管背坐糝塑觀音

聖像施主副寺子貞 管三面大鏡施主書記恒勇

大元致和元年八月望日 當山傳法住持嗣祖沙門智

久謹誌

右碑高三尺四寸廣一尺八寸題名十行正書徑一寸
按碑立於致和元年八月是年二月泰定帝始改元致
和七月泰定帝崩九月壬申文宗即位改元天歷碑立
於八月望日故仍稱致和也寺中塑像居中為釋迦如
來左右為文殊普賢又有聖像一堂不計位數當在殿
之左右列與如來俱南向故謂之當陽也羅漢有十六
尊者有十八尊者此是三十二尊必左右列東西相向
也觀音聖像在佛殿之後背坐者北向也三面大鏡必
是如來文殊普賢之佛光供床即佛前供案也施主皆
寺中僧職有所謂待詔僧者擗見此碑聖像一堂不曰
糝塑而曰糝鑿所未詳也泰山道里記云大雄殿七間
祀觀音文殊普賢此殿即宋之獻堂及山門本無像設

皆明正德間魯藩所增置也今以此碑攷之則元時已有像設魯藩特更新而增易之耳標題花名二字他碑未見

靈岩寺舉公提點勲績施財記 正書 在靈巖

天歷二年正月

舉公提點勲績施財記 清亭李克堅刊

聞隆替有數賢鄙在人中興上祖叢林全賴出倫釋子恭惟舉公提點者祝髮於足庵門下施功於方嶺會中散一襟之和氣與物為春澄千頃之洪波於人無間三欽皇恩特旨驚外道以魂飛一奉潛邸綸言斥邪宗而膽喪既得田園周備諸處建立莊嚴博飯種田栽桑接菓搆建真堂方丈重修香積庫司前殿觀音塑紩後堂大像紩塑施

立落動止非常受帝師法旨護持奉總所公文加號由是悟六塵無我知五蘊是空布施齋僧看經禮懺謹以典買到四項地土計中統鈔柒阡兩施常住永遠為主開坐如後 一姚家前典到活業南北畛帶桑地一段約十五畝該鈔貳阡壹佰肆拾兩 一買到莊西王馬駒帶桑菜蘭壹所鈔壹阡壹佰伍拾兩 一買吉二帶桑菜蘭壹所鈔貳阡貳佰兩 一買劉三帶桑菜蘭壹所鈔陸佰兩 用報四恩永資三有餘希法輪恒轉祖道興隆歲稔時豐遠安邇肅皆天歷二年歲次己巳正月下旬吉日當山住持古淵野衲智久記
提點思讓監寺思川提點子貞官門覺文維那子廉副寺

妙酬典座覺亮直歲惟勝首座思泉書記恒勇教讀思亨
藏主思岑知客覺道錢帛思檀外庫惟緣殿主思虔上石
右碑高三尺六寸廣二尺四寸文二十二行行二十七
字正書徑九分按此碑乃靈巖寺提點智舉施鈔買地
充寺產而住持智久爲之撰記刻石也中統鈔七千兩
買地四所中統鈔每兩不知比今所直幾何而其與
姚家前活業一段計之地約十五畝該鈔二千一百四
十兩是每畝價直百四十兩有奇矣以今之南北地價
較之大約中產每畝十餘金是中統鈔祇直今十之一
耳然尙是活業若買到者又不知增直幾何也此雖無
關掌故然亦攷古者所宜知耳

靈岩寺泉公首座壽塔銘 正書額 正書 在靈巖

至順二年六月

大靈巖禪寺泉公首座勲績記 書記海昌書 首座子

周口 昭文館大學士榮祿大夫萬山司徒佳號

大禪師諱思泉姓何氏象元人早喪父母年十六歲
禮寶峯巖和尚爲師志氣不凡習學經業隨問隨答大愜
師意四方外禮首謁燕京報恩林泉老師燒香數載又往
萬壽東川總統室內依棲二載機緣不契別行一路博通
醫書大都上都依經作法捨施妙藥盤桓數拾稔厭京事
冗直詣山東靈巖充首座職遍山栽樹到處施功廣種杏
桃蒴修蘭菓不恡囊貲依元施藥小師惟德惟河等墨壽
塔請銘偈曰
頭角崢嶸慈濟泉報恩萬壽曾參元爲思方領宜修道直
造靈巖結善緣栽蘭菓種福田四方設藥施無偏而今壽
塔小師墨延永谷城劫石堅

皆大元至順二年歲次辛未季夏上旬吉日當山住持沙門智久記 李克堅刊

右碑連額高三尺四寸廣二尺額題泉公首座壽塔六字正書徑二寸五分橫列於上文十四行行二十六字正書徑一寸按碑稱思泉首座號慈濟大禪師為萬山司徒所佳號佳即加也元僧加號或請於朝廷或出於國師而此乃出於達官是又一例也

靈岩寺亨公壽塔記

正書額 正書 在靈巖

至順二年七月

大靈巖禪寺亨公首座道行勲績壽塔記 小師惟通 中等立

首座諱思亨姓趙愛凌人蚤喪父母容貌魁偉意氣英邁周遊僧寺年十六歲禮寶峯順公和尚為師受具

擔簦負笈游學講肆博通諸經又以其餘力兼讀儒典廣韻悅大藏經諸路釋教都總統所讚道高貌古德厚人欽明三藏而徹底窮源講五經而精通要妙佳號圓明慈覺大師又昭文館大學士榮祿大夫佳號明宗廣教大師遍禪大禪會首造燕京萬壽充教讀僧眾美愛觀音院請為宗師立功立事通元關結識檀越成美成仁從長捨短循俗敬仰燕都事允詣山東大靈巖寺充教讀又充首座扶宗立法樹正摧邪塑佛齋僧糶嚴花菓等事無不捨施年高施陪堂鈔壹阡貫又全管僧堂捨鈔肆拾餘錠移壽塔布施鈔肆拾錠與常住作長生供通前施鈔伍阡貫種種捨施垂裕後昆見賢思齊不可無言以俚語鷓鴣天

氣象軒昂忠政多輕財重事無如他僧堂全管數千貫移
塔捨錢念百過無縫罅妙禪和佳聲浩浩占高科旌明行
業人稱讚延永芥城拂劫波

昔大元至順二年歲次辛未孟秋當山住持古淵野衲智
久記

右碑連額高三尺六寸廣一尺八寸額題亭公首座壽
塔六字正書經二寸五分橫列於上文十七行行二十
八字正書經七分按碑稱思亭博通諸經閱大藏而又
援儒典以取重及言其讀儒書亦不過講五經讀廣韻
而已悅大藏經似即闕大藏經別字也糝嚴花菓飽
堂鈔作長生信皆近世佛門通俗語而所見此碑
鵠天調為銘詞別是一例至其調之不諧又不足
序末云以俚語鵠天此下文氣未足蓋撰記者為
僧智久不諳
文體者也

靈巖寺慧公禪師壽塔銘 正書額 正 在靈巖

至順二年十月

靈巖禪寺第三十四代慧公禪師壽碑塔銘 嵩山法王

禪寺西堂無庵長老覺亮撰 當山住持傳法嗣祖古淵

長老智久勸緣 書記恒勇

師諱智慧道號涌泉袁州人出於大姓李氏宿有善緣既
長年十六恥為世俗之所埋沒遂決志出家禮泰安州長
清方山靈巖禪寺住持足庵肅公長老為師落髮受具為
大比邱於是隨眾習口五大部經告香請益禪宗與典雜
勘公案其間微省足庵退席至元二十年復請安山月泉
和尚住持師巾瓶三載隨眾叅學二十二年直月泉圓寂
於二十三年遂請寶峯順公長老接續住口師亦乃隨眾

叅叩一日室中過三祖大師信心銘至言語道斷非去來
今處豁然穎脫遂成一偈口言詞盡淨絕機關凡聖情忘
造者難木馬穿雲消息斷依前綠水對青山寶峯忻然稱
賞遂卽爲口道之偈遂以衣領付之令續佛慧命永傳不
朽乃爲清安嫡孫寶峯之子旣了大事了畢奮然興口洵
汰諸方名師宿德無不叅叩皆蒙許可師秉性聰敏博覽
羣書所以人皆稱賞由是一日有昭口明具疏敬請開堂
出世住持濟寧路泗水安山禪院爲國焚修祝延聖壽至
大元年嚴侯七衙公子具書疏敦請住持鵲里崇孝禪寺
數載值靈巖桂庵退席衆知事口口疏敦請接踵住持靈
巖禪師數載師厭住持事煩名山大刹不可久居遂退居
雲臺養道爲終身口計未幾至順元年有肥城縣空杏禪
寺宗主賢公具疏敦請住持本寺師凡據五處名藍皆有
勤口可觀享壽七十餘年僧臘五十有五尙健無恙於是
有小師住持東平普濟惟昌庵主狀師實行口禮乞求壽
碑塔銘用傳百年之後不朽之計辭不獲已老拙然不敏
嘉其孝道之心謹依來狀乃口壽碑塔銘銘曰
開法安山名出塵寰高提祖印大振禪關次主崇孝嚴侯
祖林七衙公子禮無不欽遷住靈巖與迷指南咸歸正道
令悟元談退居雲臺山境奇哉四海禪侶嚮化而來老歸
空杏賢宰願心鼎新革故永作禪林小師惟昌碑塔報恩
揚名後世千載常存

昔大元至順二年歲次辛未孟冬上旬有五日小師惟聞
惟俊惟功等立石 清亭李克堅口

提點思讓監寺思川提點子貞官門覺文維那子廉副寺
子揮典座子時直歲惟端首座思亨書記恒勇藏主思泉
教讀思岑知客思靄錢帛惟山修造思柳侍者子英等助

口

右碑連額高三尺六寸廣三尺二寸額題慧公禪師碑
銘六字正書徑三寸五分黑文凸起分三行文二十五
行行三十九字正書徑七分按碑文為嵩山僧覺亮撰
慧公袁州人其投靈巖寺禮足庵肅公落髮時年僅十
六肅公之住靈巖在至元二十年以前則慧公之生年
當在世祖嗣位之初其時袁州尚屬宋疆不知慧公以
十六歲之弱齡何能開闢數千里徑得入靈巖也要必
有攜挈之因緣碑未能詳及耳嚴侯七衙公子者不知
何許人必是世家閱之子孫觀其寺名崇孝而銘詞
內又稱為嚴侯祖林則是建香火院於嚴氏之祖塋額

題崇孝而請慧公住持也其嚴氏之孝必有可紀者碑
乃不詳而徒誇張其稱曰七衙公子以為慧公榮庸僧
涉筆為文不知
體要類如此

靈岩寺張淑詩刻 正書 在 御書閣

至順癸酉仲冬

靈巖寺提點舉公塔銘 正書額 正 書 在 靈巖

一後至元二年四月

右碑下截闕失上截存者連額高三尺三寸廣二尺四
寸額題舉公提點塔銘六字正書徑三寸三分三行文二
十六行行存二十五字正書徑七分標題云圓明廣照
大師舉公提點勤績塔銘前住持傳法沙門古淵撰當
代住持嗣祖沙門靈巖書文云公諱智舉字彥高姓胡
氏晉太平人蚤喪父母秉性英拔落髮習肄經書遂叅
月庵海公不憚寒暑意融心會名山巨刹無不叅謁後
還靈巖首充典座次充官門後充監寺口張店舖興解
典庫莊院六所隨處殿宇聖像一新大德丁未詣朝廷
陳告欽賞聖旨還民占僧田回付本寺又奉皇太子令

金石

旨帝師法旨護持山門時諸路釋教都總統所佳其德業敬賜圓明廣照大師號報齡六十有九僧臘五十有五子津子揮子聰子敬等三十餘人俗受戒門徒四人奉靈骨歸祖口至元二年歲次丙子孟夏望文之可見此者如

靈岩寺國師法旨碑

上截梵字 下層正書 在干佛殿

無年號

皇帝聖旨裏管着兒威藏 大元國師法旨裏軍官每根底軍人每根底斷事官每根底來往使臣每根底管城子達魯花赤官人每根底本面官人每根底來往收檢和尙俗人百姓每根底省諭的法旨泰安州長清縣大靈岩寺住坐的僧人定岩長老端與上位祝延聖壽依體例裏住坐者在前但屬寺家的田地水土園林碾磨店鋪解典庫

浴堂人口頭疋等物不揀是誰休倚氣力奪要者休護昧欺付者休推是故取問要東西者交他安穩住坐者執把行的法旨與了也見了法旨別了呵依着聖旨體例裏恁不怕那是麼這的每有法旨麼道無體例的勾當休做者蛇兒年三月二十三日高良河大護國仁王寺裏有時分寫來

右碑高四尺四寸廣二尺三寸碑分上下二層上層刻西僧梵書凡十二列橫讀字如鈎絲下垂下層刻法旨一二十五行行十四字正書徑六分即上層西僧書而以漢文譯之按泰山道里記稱靈巖寺于佛殿前後壁勒宋元明碑有元蛇兒年國師法旨碑蒙古字今驗此碑是西僧梵書云蒙古字者非也碑云大靈巖寺住坐的僧人定巖長老据提點貞公塔銘是定巖撰其碑立於至正元年則定巖之住持靈巖自屬至正元年以前之事又舉公提點塔銘亦定巖書已稱當代住持其碑立於後至元二年則是特定巖已住持矣文稱舉公於大

德丁未詣朝廷陳告欽賚聖旨還民占僧田回付本寺
又奉皇太子令旨帝師法旨護持山門云云似即此碑
所刻之聖旨法旨也但大德丁未非蛇年或陳告在大
德丁未賚頒法旨又在巳年又或國師法旨舊文是蛇
年所發當舉公陳告時國師即取已前法旨寫付之皆
未可知今無可附麗因即系於舉公塔銘之後附存之

靈岩寺容公禪師塔銘

篆額 正書
在靈巖

後至元四年三月

右碑連額高六尺許廣三尺二寸篆額題無為容公禪
師塔銘八字徑四寸四分四行文三十二行行存四十五
字正書徑九分下截闕失讀無全文按碑立於至元戊
寅元代有兩至元皆有戊寅據文云後至元丁丑則戊
寅為順帝至元四年無疑且容公住持在至治二年有
勸請疏文石刻且知事諸人又皆為至正二年龍藏殿
碑中所有皆可證也其云季春姑朔日甚不可解或是
姑洗之省文文稱容公主名利之多謂為天下之法將
未免措辭近於夸大難度作雉
度其嚮作其嚮則書碑之誤也

靈岩寺揮公塔記

篆額 正書
在靈巖

後至元四年五月

右碑祇見上半截連額高二尺三寸廣二尺四寸篆額
題揮公提點塔記六字徑三寸橫列於上文二十三行
行存十八九字正書徑八分碑首行云通宗英德大師
輔成堂提點揮公碑記末云至元戊寅仲夏月朔餘皆
讀無全文戊寅為順帝後至元四年至正元年龍藏殿
記碑陰子揮施鈔二千四百兩其時僧職為監寺此碑
則職提
點也

靈岩寺劫建龍藏殿記并陰

篆額 張起岩撰 張蒙
古台正書 在藏經殿

至正元年二月

大元泰山靈岩禪寺劫建龍藏之記 正奉大夫侍御史
燕南河北道肅政廉訪使張起巖撰并篆額 中奉大夫
嶺北等處行中書省參知政事張蒙古台書
天下佛宇以巖名者則泰山靈巖為之冠以其境屬中土

占岱宗右腋面勢環抱當秀絕處前乎此未有識其勝槩
以據有者殆天造地設神靈珍藏以待夫雄尊崇大者處
之然後爲稱也耶蓋巖之巔東如列屏如翠堵波獻奇駢
秀盪乎雲表北如連城截然展拓高出千仞俯臨眞境若
嚮若護東巖南引而左拱與北巖子午相直其上有穴洞
明望之若月元魏正光間法定禪師駐錫於此睹其形勝
兀坐獨處德風所扇慧照所加靈怪斂避虎獸馴伏復有
泉涌于竇泓而爲池土俗目其神異爲構丈室延居其中
演教授徒是爲開山初祖歷隋暨唐殿宇齋寮日新以盛
宋太平興國天禧景德徧以其號錫宇內寺院故寺嘗號
景德寺之千佛殿五花殿構于其時石刻具在迄今廣
周廊遺制尙存皇元崇奉釋教視前代爲有加泰安分土
王邸于是寺外護尊禮尤切注意至元二十四年丁亥第
三十代住持寶峯順禪師以爲名山大刹大衆雲集受學
之人必資講誦我佛之教其言傳于世者爲經歷代高識
發揚翼成者曰律曰論曰疏增衍廣大至五千餘卷今板
本在江浙在閩于是專普覺大師提點廣往購至杭則普
寧寺已具經律論完本遂購而航致之浮江絕淮踰河抵
郡之陰河鎮以二十六年三月十八日具法師作禮迎致
權置寺之五花殿後四十五年當至元後元乙亥息庵讓
禪師圖建外三門方具材庀役俄受少林之請佛智明悟
通理大禪師定巖慧公嗣主法席乃相舊輪藏之基規模

故在也謂宜起廢庶琅函寶笈貯閣有所諮於廣智大師
提點川明德大師監寺貞等度爲藏殿三楹輟三門材爲
之寺之耆德法屬聞是語已欣然出衣孟資以助以倡鄰
郡濟南達宦善士之樂施者相繼也經始于至元後二年
冬十月畢工於六年夏四月宏敞虛靜位置崇整扁其額
曰龍藏中爲龕帳以庥像設以覆藏函供張器皿殿所宜
有種種備具金碧絢爛薌燈芬灼裝嚴佛界觀者起敬總
其所用爲楮泉二萬三千餘緡師偕提點貞監寺揮等來
請記于予予惟大雄氏之教肇自東漢流傳震旦其爲言
說普令一切世間識原達本發無上妙心如良藥療衆疾
如慈航濟苦海如慧燭破幽暗以之開迷惑顛倒以之釋
貪着愛欲人之求其法者舍是經何以哉知有是經而不
能讀讀而不能思思而不能從是與未嘗見聞者無以異
也夫採藥療疾取米救饑而藥與米究竟有盡惟是經也
取而讀誦思惟其義開發覺悟深造自得利己利人普蒙
福惠於是經也復無所損義益明暢如清淨水既飲之如
水亦還潔如大寶月照徹昏闇月自明朗朗然則求學者
舍此弗究可乎師張姓世爲保定完州人居州之南檀山
年八歲禮古唐甘露禪院詮公爲師得法於靈巖桂庵達
禪師至元後丙子得錫今號是爲住山四十代師云至正
元年二月望日記 山門提點子貞提點子廉監寺子揮
監寺子洪修造思柳維那維智副寺思靄典座子時副寺

子泰子可維寬覺喜淨心直歲子路覺昌覺宗覺千者
宿首座思讓首座子英書記思岑藏主思周知客子全倉
主子做錢帛子慶庫主覺初浴主思洪外庫覺增侍者戒
信殿主子延等 十方靈巖禪寺住持傳法嗣祖沙門佛
智明悟通理大禪師定巖野衲德慧立石 石上張克讓
蘇亨刊

右碑連額高八尺五寸廣三尺五寸篆額題大元泰山
靈巖禪寺龍藏殿記十二字碑徑三寸分三行文二十四
行行五十五字正書徑九分碑陰刻施鈔人名二十六
行正書徑八分按杭州普寧寺印經一大藏係此碑至
元二十六年事詳見廣公提點壽碑至是碑係此碑至
年始建龍藏殿蓋越四十七年矣泰山道中碑文巖
寺般舟殿西為辟支塔又西偏為藏經殿有碑文巖
初建龍藏殿即指此也乾隆十四年殿燬碑亦燬
燬而不言存亡始是經之散佚久矣
巖撰起巖之官中臺侍御史轉燕南廉

何年以此碑證之則至正元年猶居此官也碑
至正元年二月而碑陰在是年十月蓋刻文在
初碑陰則俟施鈔之數已定而後刻也碑陰刻
寺職有所謂鑄瀉者不知所職何事識以俟
靈巖寺讓公禪師道行碑篆額 日本僧印元
撰行書 在靈巖
至正元年十一月

靈巖禪寺第三十九代息庵讓公禪師道行之碑 日本
國山陰道但州正法禪師住持沙門印元撰并書 中泰
大夫前管領大開元一宗諸口都宗攝圓照普門光顯大
禪師益吉祥篆額
大萬松兩國師下有口口總統三世而繼其燈者息庵也
師真定人諱義讓姓李氏生而穎異志氣不羣壯歲禮本
府華口口閣黎為師薙落受口口口徧於講肆聽習華

嚴而深造毘盧口海厥後遂周遊燕趙之間遍參宗匠未
 後往風龍山扣古巖口口之室古巖一見甚稱口口未幾
 老口應靈巖之舉師乃侍往皇慶中古巖却少林之請師
 又遂之巾侍數載晨昏參請機緣口口乃密付衣缺十書
 記復遊南陽領紀綱於香巖司記室於香山又歸嵩陽首
 衆於法王至治年間開堂口口之天慶次遷缺八之靈巖
 凡所住之處皆革故鼎新百廢俱舉至元丙子秋適嵩之
 少林虛席本山知事口口請匡率五缺九學徒雲臻師
 傳道揚化之餘以莊嚴法口為心故口丹青繼鑿殿宇祖
 刹為之改觀加之口口廊廡倉庫并莊園水磨所有口
 悉皆修整倉庫之畜十倍于常苟非宿殖之力焉

盛者歟庚辰之夏邁疾彌留乃口口人日斯疾不可起也
 口往必矣急須營塔至五月十二日窣堵畢功其日師召
 知事門人等付口於後事遂索筆書偈訖右口口逝偈曰
 來時本靜去亦口口虛作舞口意乃優游至十四日闍維
 門人分靈骨重塔於靈巖世壽五十七僧臘三十六門弟
 口口有餘人嗣法者一十三人口口七月叅學小師勝安
 攜師行實不遠千里來乞文於我而我乃日本之產又非
 陳良去楚而口口周孔之道也然不獲厥中華之魯奈公
 再三辭不得已而諾之以應平實於說他日有荆舒而我
 之以膺者予如何哉雖文口口蓋口耳也亦不甚難而須
 次第之實且息庵師乃大宗匠而道價超倫之人也以至

口自脫俗師相公後錫飛寰海學歷名口口之續達口口
後之燈以之契吾祖不傳之旨正偏兼舉了惟自縱橫黑
白未分也許誰得妙由是論之師平昔梳風鏤月斲口口
金乃其續口口何奇特焉師平日貴乎灑落爲道而自在
不拘凡游戲三昧而縱放取捨隨流穩當雖不拘於文字
而亦不口口偏枯然所居之處存亡進退而不乖於其時
又非得失而動於其心也自我萬松大宗師去後天下禪
林而道風鼓舞二口口者惟師也於是師之生世幼而至
於壯壯而至於老皆道豐時盛而得遂其志以至嫡嗣古
巖大和尙而天下禪老誰能出口口右乎至於靈巖天下
名利誰聞而不仰其風歟終於少林天下宗風誰敢不
於其草歟今分塔於茲靈巖可謂至矣覺口口甲終焉之
計矣吁雖我拙而弗敢作之文故盪滌焚香稽首輟染短
翰繫之銘銘曰

新豐一曲迴口追尋格外元口罕逢知音雪庭間出續焰
少林五乳峯下鳳翔龍吟近代相繼以心傳心惟息庵師
耀古騰今吹無口口彈沒絃琴妙旨回互暗度金鍼四口
望刹接物隨宜舉唱定口不落口時未後一着不勞佇思
踏翻口口趨倒須彌劫石可碎泰華可夷師道師德萬世
不衰

至正元年仲冬之新復日 小師覺宗 覺際 覺遷
覺彰 覺猷 覺棟等立石 清亭石匠張克讓等鐫

右碑連額高六尺廣二尺四寸篆額題息庵禪師道行
碑記八字徑二寸四分行文二十六行行四十九字行
書徑八分文為日本僧印元其書中奉大夫散官從二品
光顯大禪師益吉祥篆額中奉大夫乃女散官從二品
階僧職之有官階者僅見此碑日本在宋時屢以僧來
通貢元世祖至元間嘗遣使持國書往諷其來朝不應
加之兵喪師而還成宗大德三年遣僧寧一山者加
妙慈宏濟大師附商舶往使日本而日本僧來也自大
德三年至此則是終元之世未嘗有日本僧來也自慕
中華釋教之盛附舶訪道而來非奉國王使命也然既
駐錫中土自必上聞於朝史何以不書其事蓋無關國
典之重不登於記載則後之作史者無從攷稽矣印元
之住山陰道州正法禪寺自係日本之舊刹其在中國
安不遠千里乞文大約不出大都燕京諸處也海夷方
外不必論文字之工拙然大致亦與中土相同書亦
流動有法仲冬新復日者冬至也用字亦不多見

靈岩寺提點貞公塔銘

篆額 行書
在靈巖

至正元年十一月

右碑連額高五尺許廣二尺四寸篆額題明德大師
公塔銘八字徑二寸四分行文二十五行行存三十七
字行書徑七分下截闕失讀無全文首題明德大師輔
成堂提點貞公前靈巖禪寺記室福廣野雲書文云公博
沙門定巖撰前靈巖禪寺記室福廣野雲書文云公博
陵荏山十寨土俗郭姓大族之家明德號吉甫之字也
末云至正元年仲冬月新復之日小師覺山覺善覺元
覺才覺尚等立石按此碑與讓公道行碑同為至正元
年仲冬新復日所立彼碑為日本沙門印元書此碑為
福廣野雲書兩碑筆蹟如出一手且貞公與讓公同為
古巖就公付法受具之弟子立石之小師又皆覺字同
輩兩碑文氣又頗相疑皆兩公之小師託名也文云近
為之然則彼碑之稱印元撰書者或皆託名也文云近
年順德路大開元宗攝所損庵大和尚似即讓公碑篆
額之中奉大夫前管領大開元宗攝所損庵大和尚似
普門光顯大禪師益吉祥也益吉祥署階中奉大夫此
碑稱北溪長老為大司印即損庵稱益吉祥此碑標題
當時僧制有官階有印即損庵稱益吉祥此碑標題
稱貞吉祥子貞其名也吉祥又屬釋氏之佳號矣
者何居恐與益公之吉祥又屬釋氏之佳號矣

重修孔廟碑并陰

篆額 王昇書 金石
張從仁撰

在

泰山志卷十八
至正四年閏二月

至正重修宣聖廟記 泰安州儒學教授張從仁撰 資
善大夫江南諸道行御史臺御史中丞王昇書 翰林學
士承旨榮祿大夫知制誥兼修國史張起巖篆

泰安山東名郡也間齊魯禮義之鄉比洙泗文化之地山
明水秀人傑物夥風俗淳朴而尚儉素州廟學□□□建
金大定癸卯郡守徐□偉重修□石叙績可考迨皇元至
元辛未知州馬公驥載修亦□石紀□可觀自至元迄今
以歲之數計者餘七十矣至至正二年夏五月知州靳公
文用來守茲郡下車之日恭謁先聖顧瞻正殿神門賢廡
敬傾摧圯□□風雨之甚歎曰清廟弗完弗肅何以妥聖

賢之靈澄風化之源遂捐俸金倡僚案復整修之同知刑
寶濶判官姚師順幕賓王璧趙□□咸忻忻贊和樂□□
役奉符尹鄭侯宗尚廉勤有能經營規度尤爲之力與上
下同心協謀不取于官不勞于民采木石陶瓦甃皆僦民
力鳩衆工以作□□正殿次神門次賢廡次講堂齋舍先
後重輕而舉昔梁棟之欹者起□□以正榑榱之朽者撤而
以新瓦之裂去以補之壁之隙塞以飾之基固竹苞砌結
魚鱗朱其門綠其牖丹雘其楹殿宇簷阿峻起軒翊而華
采交輝如鳥革翬飛瞻者弗言而知其肅清之廟聖聖塑
繪之像在天之靈亦獲少康矣所修殿廡門堂會以楹計
者四十有五所費以緡計者貳萬有奇經始于至正二年

秋七月告成於四年春二月吉日郡義土石維巖李忠恕
陳易礪石求文於從仁以紀興造始卒之所以從仁辭以
才學膚淺詎敢秉筆形容賢公興廟之偉績義士直以從
仁居教職禮分當爲以故不敢不敏辭嗚呼自天地開闢
以來世所謂聖人傳道者堯舜禹湯文武周公孔子而已
孔子而下曰顏曰曾曰思曰孟庶能繼往聖開來學以淑
俊髦聖域之入雖不優而道統之傳則有功也漢之董子
唐之韓子能黜儀秦申韓之術排釋氏老子之說唱道之
功間世罕有而造道之深則未也逮有宋周程張朱輩出
主盟正學擯斥邪說以續夫千載孟氏不傳之緒俾聖人
之道燦然復明於世以臻于今然歷代褒謚徽稱典祀修
舉唯孔子暨門弟子而不及堯舜禹湯文武周公者蓋堯
舜禹湯文武周公弗過揖讓儉勤弔民伐罪制禮作樂以
撫天下是皆德洽羣生恩被當世者若吾夫子生數聖人
後值衰亂時轍環天下而道卒不行於是乎歸洙泗述六
經以詔後世二千載而下家誦其書人遵其訓普天下歲
時虔恭而廟祀之宜哉今聖朝累下詔以興學校乃設科
以取多士期以輔國寧天下而後已靳公視政先興廟學
夙夜督工靡懈可謂知本末先後矣可謂不負朝廷右文
崇儒之意矣公廉正公勤和而不流使異日居穹位施經
濟必能化天下人服詩書禮樂之教力孝弟忠信之行以
躋於古帝功殊匪泰安比泰安將來文風丕變人材衆多

未必不自公典學始謹記

至正四年閏二月日 石維巖李忠恕陳易立石

右碑連額高六尺許廣二尺四寸文二十六行行五十字正書徑六分碑陰刻官吏士夫工匠等姓名縱橫列之並正書徑六分此碑鐫刻不深字多漫漶泰安縣志不錄其文無從補正

靈岩山大靈岩寺四題字 正書額 文書訥正 在寺門戲臺上

至正四年四月

右碑高七尺廣二尺二寸中幅題大靈巖寺四字正書徑一尺七寸右題銜名一行云奉直大夫山東東西道肅政廉訪副使文書訥雙泉書左題年月一行云至正四年四月十有九日立並正書徑一寸按文書訥史志皆不詳其人筆法整嚴神采秀勁可以想見其為人

岱岳廟聖旨碑 在岱廟與泰定聖旨碑同一石今佚

至正四年九月

右碑在州城內嶽廟西偏延禧殿前又有泰定元年一碑其文略同今並佚

金石文字記云按元史泰定帝本紀有即位一詔與此相類鄙嘯之語播之王言傳之史冊貽笑後人然其曰

生每收掌者則是時香錢固未嘗入官也 漢字一行 蒙古字 唵嘛呢巴彌吽題字 察罕普華書 在靈岩大殿西延祐聖旨碑側

至正四年

賈魯登太山詩刻 正書 在 環咏亭

至正五年正月

塑七十二賢像記并陰 篆額 孔克堅 正書 在文廟

至正九年五月

勅塑州學七十子記 榮祿大夫四川等處行中書省平

泰山志卷十八
章政事口口篆額 中奉大夫襲封衍聖公五十五代孔克堅書丹

人生天地之間其不可負者三曰君曰親而師與焉樂土安業而享太平者君也撫字鞠育而全軀者親也詩書六藝誨導啓迪以成其材德者師也人能忠於君孝於親敬其師迺天之恒則人之職分當爲而已不然何以自立於世間耶昔周道旣衰王綱解紐天下貿貿焉亂臣賊子躩迹於世三綱以斯而紊五典以斯而斲奚山也哉皇天奄顧載生吾夫子祖述堯舜憲章文武所以垂世立教師表萬古者也時門弟子不憚數千里而從游雖值陳蔡之厄匡人之圍寒飢流落不敢少倍於聖人之規其有補於名

教也歷代以來載在廟祀者豈不躋歟至正七年夏六月大成至聖文宣王五十二代孫孔之嚴判官泰安郡下車之日視事蒞政首謁廟貌登殿行釋奠禮旣畢瞻仰聖像被袞冕巍巍南面顏曾思孟并世所謂十哲皆左右列次相向坐侍其形儀端嚴清肅綽有古人風采出觀兩廡七十子暨續補碩儒皿食廊廟者其像止繪之於壁几案不肆俎豆不儻風霾往來聚散不恤賢哲之靈奚能安然也哉於是乎存心積慮念茲在茲至正己丑春三月遂與幕賓張煥宋顯協謀曰清廟聖像旣完且若兩廡賢像尤觀圖畫欽敬明神之誠詎有優劣者耶遂捐俸祿五月鳩工比十哲之像而捏塑之自大成殿下左右兩廡以世代先

後次列而南轉東西以與神門並其冕服之制考之歷代
封爵等威而像之其賢像總百又有七而戶牖禮器奠筭
咸備焉其璧木之須工役之力者皆稍其食而酬其直不
擾其民會其糜之資以緡計者五千有畸歲時官士祀享
有歸神之來假來享必矣夫孔侯生聖人五十代之後而
能追遠報本口志始祖先賢垂世立教無窮之澤可謂孝
矣修殿宇塑賢像恪恭祀事潤飾風化有輔聖朝崇文偃
武益隆平之景運可謂忠矣忠孝既能臣子之職庶幾乎
得矣嗚呼他日岱陽之風丕變人材衆多若若若若若若
徂徠石氏党氏輩出以口口有元之新化復復復復復復
孔侯之功從斯遠矣彼流俗偏駁不正之學略孔

以原其事之本末禮之先後略紀云耳 泰安州儒學教

授張從仁撰至正九年仲夏吉日廟學教授陳遵禮立石
右碑連額高八尺五寸廣三尺二寸篆額題泰安州重
修廟學記八字徑四寸分二行文二十六行正書徑一
寸正書徑一寸碑陰刻官吏街名十六行正書徑一寸
按泰安縣志金石卷不錄此碑而於學校卷則云文廟
至正二年知州靳文用九年州同孔之巖重修今以碑
證之乃是州判官孔之巖而非州同孔之巖也中
紀亦僅為七十子塑像未嘗及修廟之工役然不知碑
額何以云重修廟學記而縣志遂因之以為重修也標
題雖云勅塑州學七十子其實并從祀先儒俱塑之故
總其像百又七也書碑者衍聖公孔克堅正以至正九
年晉秩中奉大夫增二品銀印五十二代孫孔之巖字
雍甫關里文獻考祇載其官泰安州判而詳政績故
無攷也碑陰列官吏姓名而本州之達魯花赤知州同
知奉符縣達魯花赤何以皆有官無人並云闕也豈其
時守土之官曠闕其半而於臨民大事無傷
於廢弛耶然則當時朝廷銓政槩可想見矣

靈岩寺慧公道行碑 正書額 正書 在靈巖

至正十一年十月

右碑連額高六尺許廣二尺八寸額題慧公禪師道行之碑八字正書徑三寸黑文凸起分四行文二十九行行存六十字下缺失讀之不全正書徑八分首題皇元泰安州十方靈巖禪寺第四代住持佛智明悟通理大禪師定巖慧公道行之碑大都大竹林寺前住持英悟正印宗慧大禪師雪澗法禎撰末云大元至正十一年歲次辛卯十月十五日當山傳法住持佛智明悟通妙應大禪師方山野衲思璧書丹題額并勸修碑文紀慧公之道行而歷敘其所至之功業於爛爛之中得平淡之旨如曰吾出家本以生死事大今拖犁拽耨與浴人能置家者無異是為究竟耶此語非見道者同稱豈當時住持亦行印信相授受耶主報恩手段異諸方手段二字極見此碑

靈陽觀碑 篆額 正書 在大汶口滕村靈陽宮舊址

無年號

右碑半截連額高五尺廣二尺六寸篆額題靈陽觀記四字徑三寸橫列於上文二十五行行存三十五字正書徑六分下截缺失文讀不全首題鄉貢進士琴臺三張李倬撰門人王道通篆額王道亨書後題壬辰年仲冬有八日住持道士衛志堅立石按泰安縣志靈陽宮在大汶口東南滕村距城六十三里宮已久廢有元至元二年碑此語誤也元有兩至元若世祖之二年為乙丑歲若順帝之二年為丙子歲今此碑無年號而紀歲曰壬辰與至元二年不合碑云元貞間遊徠山越明年又於徠之西南三十里許云云則非世祖時之壬辰無疑矣惟順帝壬辰是為至正十二年然則志蓋誤以至正為至元而脫去十字也撰文者李倬自稱琴臺三張未詳聲作嗚亦異文

東岳別殿堂廡記 杜翽撰 周子貞正書 在岱廟今佚

至正十三年四月

張士明題靈岩寺詩 正書 在靈岩山神廟

至正十五年正月

至正癸巳二月吉日夢遊山寺是歲七月到任九月勸農
至此恍然如夢中所見因賦鄙語錄呈靈巖方丈 前進
士紫金山張自明題

清亭忝民牧倏爾兩月餘懇惻理辭訟倉皇行簡書深秋
勸農事東馳岱宗途有山忽北轉宛然梵王居雲蘿隔煙
樹經閣參浮圖林巒類拱抱澗壑如交趨松風振巖谷石
泉溜庖廚峭壁龍蛇窟懸崖虎豹區野猿啼叮嚀海鶴舞
庭除僧閑看貝葉客至翦新蔬勝景躋壽域禪房列周廬
山前迴首望一夢恍相符 至正十五年正旦 當山住
持嗣祖沙門靈泉野衲謹書立石

右刻詩二十行行
十字正書徑八分

靈巖寺佛亭詩刻 正書
在靈巖

至正十五年九月 十六年三月

至正乙未秋九月因公赴山東遊靈巖禪寺 秋晚登臨
上岱宗扶筇來此謁崆峒閑雲送雨過深洞老鶴將離度
遠空白石清泉心未了黃花紅葉思無窮攜雲歸隱知何
日坐想青山入夢中

靈巖山房尋同年長清縣尹張君德昭不遇 慈恩塔上
題名後京國分攜十四年夢想故人詩句裏坐看黃菊酒
杯邊停雲藹藹秋容澹落葉蕭蕭客恨偏獨倚禪房重搔
首又鞭歸騎過前川

丙申春三月海嶽降御香回重游靈巖次趙明叔詩韻一

石徑穿雲雨意涼乘輶重過老僧房門前古柏凝新翠巖
畔幽花散異香鶴舞雙泉春水淥龍歸深洞暮山蒼禪心
久矣無拘礙笑我狂遊去遠方

前進士應奉翰林文字承事郎同知制誥兼國史院編修
官傅亨題時弟益男文炳侍行云

右刻詩二十六行行
十二字正書徑六分

楊世瑛題名 正書 在桃
源峪北崖

至正十八年二月

張田玉題名 正書 在
桃源峪

至正十八年二月

靈岩寺李傑詩刻 行書
在靈巖

無年月

宿靈巖寺 一榻借禪房窗虛風露涼詩魔催夢醒王事

促行忙人闔東西戶僧歸上下方山中無刻漏倍覺此宵

長 翰林李傑書 當山住持妙恭立石

右刻詩九行行六
字行書徑八分

萃美亭碑 徐炎撰 吳行正書
在百丈崖今佚

至元丁丑

重修萃美亭碑 廉訪使徐琰撰

天下名山巍然而大巖然而尊者泰山而已泰山勝境窈
然而深蔚然而秀者西溪而已溪居岱宗之右麓延袤數
十里樹林陰翳磴道崎嶇清泉奇石瑰瑋萬狀行愈遠而

山愈奇境愈勝極溪之所窮巔崖百丈懸流下擲望之如
垂練天神泉也天神之西有巨壑焉一水自天勝巖落爲
盤石所散漫瀉於壑之上簷若建瓴然水簾洞也而又芙
蓉懸刀飛雅獅子諸峯削翠其上黑蜃白龍神潭水府潛
环其下雲煙吐吞晦明變滅跳珠濺沫轟雷掣電顧接有
所不暇真山水之窟宅天壤之奧區也金太定間泰安太
守姚公面水簾而瞰天神創構一亭樽俎不移而諸景咸
會因榜之曰萃美坡詩有云江山雖有餘亭榭著難穩登
臨不得要萬象各偃蹇吾不知世間得登臨之要有如此
亭者乎

岱史載嶽西南麓百丈崖之左古有萃美亭元奉高尹
王悟重修廉訪使徐致記但原文節略歲月未詳亭址

記石移置
支廟亦佚

張天益題名

正書 在白
龍池石壁

劉詢等題名

正書 在
關仙岩

嚴謹墓碑

杜仁
傑撰

洪福寺碑

在城西南六
十里申村

廣禪侯祠碑

在亭
亭山

精禮寺碑

在城西南侯村
玉女山之陽

竹溪二題字

篆書 在祖
來西北址

演易齋三題字

篆書 在祖
來二聖宮

貧樂岩三題字

篆
書

賈氏書院題名

在云云山
東崖題名之上

新南山殘碑 正書 年月泐

明

太祖制東嶽去封號碑 正書 在岱廟

洪武三年六月

靈巖寺方山休堂聯傳道行碑 篆額 正書 在靈巖

洪武五年秋

諭祭岱廟碑 正書 在岱廟

洪武十年八月

靈岩寺重建五花殿記 王裕撰 李進 正書 在靈巖

正統五年九月

感雨記 夏靖撰 并正書 在岳西南麓淵濟公廟今佚

景泰五年三月

靈岩寺陳豫詩刻 在御書閣

天順四年三月

重修高里山神祠記 并陰篆額 許樵道撰 原傑正書 在森羅殿後

成化三年五月

右碑陰刻方篆題名 并蔡汝楠詩刻

靈岩寺感應記并陰 篆額 周自成正書

成化十年正月

右碑陰刻 僧衆題名

靈岩寺造象記 李夔遠撰 并行書

成化十一年六月

袁口靈巖詩刻郭瑄正書
在千佛殿前

成化十二年

靈岩寺孫瑜詩刻正書
御書閣在

成化十三年七月

任式會真宮記

成化十八年

賈宣謁白龍池詩刻正書
龍池石壁在白

成化十八年

重修東岳圖在縣署土
地祠壁

成化十九年三月

尚綱遊泰山記在巖
巖亭

成化二十二年

魯兩先生祠記并陰篆額
正書
吳寬撰
姜立綱
在城內二賢祠

成化二十三年八月

右碑陰
刻祭文

重修碧霞靈應宮碑記篆額
正書
徐溥撰文
尹旻
在水簾洞旁今佚

宏治十年十月

靈岩寺重修五花殿記戴義撰并書
在大殿前

宏治十一年九月

重修東岳廟碑御製并書
在岱廟今佚

宏治十二年

靈岩寺邵寅詩刻行書

宏治十二年九月

俞俊古栝殘詩刻草書 在青帝觀

宏治十六年孟春

靈岩寺李遜學詩刻正書 在松風閣

正德四年五月

祭告東岳文篆額 篆書 在岱廟

正德五年六月

喬宇登泰山詩刻篆書 在環咏亭

正德五年六月

重修觀音寺記篆額 馬雄撰 蘇彪正書 在東北九十餘里齊城峪九頂寺

正德八年十月

重修東岳冥福寺記任文獻撰 王龍正書 在冥福寺今佚

正德十三年三月

熊模遊靈岩寺記在千佛殿

正德十五年正月

靈岩寺方豪題名在御書閣宋李公顏題記之後

嘉靖元年三月

修廣禪侯祠碑正書 在城南亭亭山廟內

嘉靖九年十月

大觀峯三題字楊撫正書 在岱廟

嘉靖十一年

應元詩刻草書 在環咏亭

嘉靖十二年仲冬

張鯤登山雜詩草書 在環咏亭

嘉靖十三年三月

金魚石三題字并記封南章正書 在徂徠中軍帳

嘉靖十三年六月

觀海二題字張欽正書 在岱廟

嘉靖十四年五月

靈岩寺張邦枝詩刻正書 在摩頂松臺南面

嘉靖十五年八月

靈岩寺喬瑞劉燾詩刻行書 在千佛殿

嘉靖二十年六月

蔣亘等泰山詩刻行書 在岱廟今佚

嘉靖三十二年

靈岩寺塑旌祖師像記王四好正書 在祖師殿址

嘉靖三十四年小春

祭告三神祠詩并序謝東山正書 在岱廟今佚

嘉靖四十年八月

謝東山題名正書 在山絕頂探海石上

嘉靖四十一年五月

汪玉文論正書 在石經峪

嘉靖四十一年仲秋

邵鳴岐等題名正書 在山頂德星岩 金石

嘉靖壬戌陽月

翟濤題名正書在

嘉靖四十二年仲夏

重修東岳廟記正書李欽撰安科

嘉靖四十二年六月

重修鄆都廟記并繪正書李欽撰在城北鄆都廟

嘉靖四十二年十月

右碑陰嘉靖四十二年十月

周天球望岳詩刻行書在岳廟今佚

嘉靖四十五年九月

飛龍翔鳳題字劉翹行書在岳廟

隆慶元年夏

重修碧峯寺記孫緒撰并書在岳西四十餘里寺內

隆慶五年口月

王守仁泰山高詩刻正書在明倫堂

隆慶二年四月

建立三陽庵碑并陰蕭大亨撰張天祚正書在岳西

隆慶四年仲春

右碑陰有題名

張元抃靈岩寺題名行書在御書閣

隆慶四年三月

靈岩寺王宗沐東遊記正書在后土殿

金石

隆慶五年八月
表泰山之巔碑萬恭撰并正書
在山頂今佚

隆慶六年春

吳從憲泰陰碑亭記在南郊泰陰
碑前今佚

隆慶六年

泰陰碑三篆字并題名在泰陰
碑之陰

隆慶六年

高山流水亭石壁記萬恭撰并正書
在石經峪西崖

隆慶六年冬

張元抃靈岩寺詩刻草書

萬歷元年

張天祚泰山題辭正書
在青帝宮

萬歷元年正月

袁穉白龍池贊正書
在白龍池

萬歷七年七月

祀泰山高里祠記劉大式撰
在高里山神祠內

萬歷十一年三月

白雲軒記李戴撰并書
在山頂白雲洞側今佚

萬歷十四年

靈岩寺蘇演詩刻草書二首
在摩頂松臺南

萬歷十五年三月

靈岩寺劉勅詩刻正書
在摩頂松臺南

金石

萬曆十五年

卧雲二題字 張壽朋八分書 在白雲洞

萬曆十六年

禱雨靈應歌 正書 在 三磴崖

萬曆十七年

靈岩寺徐琳口詩刻 周道南行書 在 摩頂松臺北面

萬曆十八年正月

靈岩寺重修千佛殿記 傅光宅撰 潘子雲書 在千佛殿南向

萬曆十八年十月

重修東岳高里山神祠記 李邦瑛撰 安科正書 在高里山神祠

萬曆十九年正月

題暴經石水簾詩 崔應麒草書 在石經峪西崖

萬曆十九年

重修碧霞宮碑并陰 篆額 王錫爵撰 田應璧正書 在山頂今佚

萬曆二十一年九月

右碑陰刻皇后 嬪妃等題名

十八盤石欄題記 正書 在山頂 鐵碑東側

萬曆二十二年

重修三陽觀記 于慎行撰 王應星正書 在岳西南麓

萬曆二十三年仲秋

黃景象抱龍臺詩刻 草書 在靈岩御書閣

萬曆二十七年

重修竹林寺記 篆額 吳維城撰并正書 在岳西南麓

萬曆三十年季冬

靈岩寺汪應蛟詩刻 正書 御書閣 在

萬曆三十一年九月

供祀泰山高里祠記 朱之蕃撰并正書 在高里山神祠

萬曆三十一年十月

重修碧霞元君靈應宮碑 邢侗撰行書 在山頂今佚

萬曆三十六年

畢懋康登岱詩刻 行書 在岱廟今佚

萬曆三十七年夏

靈岩寺張崔鳴面壁齋詩刻 行書 卓錫泉 在

萬曆三十七年

西天門題名二段 鍾惺正書 在山頂西天門石闕上

水簾洞題名 鍾惺正書 在岳陽水簾洞旁

新建王母閣碑 篆額 周國庠撰 張和元正書 在城西北隅梳粧院

萬曆三十七年

重修泰山靈應宮碑 篆額 張邦紀撰 胡正書 在城西南

萬曆三十九年

靈岩寺王安詩刻 行書 御書閣 在

萬曆四十年

泰安州進香題名記 鍊碑篆額 方從哲撰 湯煥正書 在山頂元君殿佚

萬曆四十一年

御製泰山金頂御香寶殿銅鐘讚文 正書 在後石塢

萬曆四十二年七月

勅建泰山天仙金闕碑 正書額 方從哲撰 汪民在 在山頂碧霞宮前

萬曆四十三年孟春

牟志夔題名 八分書 在岳陽朝陽洞西崖

萬曆四十三年

鍾惺後石塢題名 正書 在後石塢玉女祠大門下西石上東向

萬曆四十四年七月

岱岳廟碑 畢懋康撰并行書 在大殿前今佚

萬曆四十七年正月

雲根二題字 篆書 米萬鍾書 在朝陽洞

萬曆四十七年

重修魯兩先生祠記 篆額 侯應瑜撰 范廣在城內二賢祠

天啓元年五月

重建一天門碧霞元君行宮碑 篆額 于可久撰 洪邦治正書 在一天門

天啓六年三月

欽修泰岱告成賜靈佑宮金碑記 篆額 在山頂元君殿前

前

天啓五年六月

王應修詩賦石刻 行書 在環咏亭

天啓七年

胡一龍和仁欽十二景詩刻 郝大成行書 在靈岩寺卓錫泉

崇禎元年二月

靈岩寺鄭林詩刻 李承資正書
在山神廟前

崇禎六年

靈岩寺沈正宗詩刻 草書
在摩頂松臺南

崇禎十一年三月

漢柏圖讚 陳昌言正書讚
左佩玆篆書
題字
在岱廟炳靈殿南向

崇禎十五年七月

左重耀謁岱宗歌 篆書
今佚

崇禎十六年夏

勅建智上菩薩寶刹碑記 篆額
左佩玆撰
徐棟正書
在天慶宮

崇禎十七年三月

碑陰義輸贍田記

殷頌并跋 正書
在石經峪
無姓名年號

回公題字 行書
在山頂
白雲洞無年月

汪廣洋過泰山詩 行書
在岱廟
今佚無年月

畢懋康羅文璋詩刻 正書
在環咏亭

子可久題名 八分書
在石經峪北崖

岱頂銅鐘經文 正書
在岱頂後寢宮

郭詔銅鼓銅鼎銅瓶記略 在若震祠
今佚

第一山 崔三畏正書
在一天門

泰山志卷第十八

